

18326

考 試 秘 本

各 科 問 題 詳 解

上海中原書局印行

039.51

J282

1

9161

18067

5

第十三章 (題) (面)

可逆反應化學平衡 127.....133 59.....62

第十四章

硫及硫之化合物 134.....157 63.....74

第十五章

週期律 158.....161 75

第十六章

氮族(或銻) 162.....180 76.....83

第十七章

炭及其簡單化合物 181.....198 84.....89

第十八章

火燄, 燃料。 199.....207 90.....92

第十九章

原子量分子量程式 208.....215 93.....97

第二十章

磷族 216.....230 98.....101

第二十一章

矽, 鎢, 硼。 231.....233 102.....103

第二十二章

金類 234.....237 104.....106

第二十三章

鹼族之金類(鋰, 鈉, 鉀, 銣, 銿。)

(題) 238 254 (面) 107 113

第二十四章

鹼土族(鈣, 鎵, 鋇) 255 270 114 119

第二十五章

鎂族(鎂, 鋅, 鎳。) 271 282 120 123

第二十六章

鋁族 283 289 124 126

第二十七章

鐵族 290 294 127 129

第二十八章

銅, 汞, 銀。 295 309 130 134

第二十九章

錫, 鉛。 310 320 135 138

第三十章

錳, 鎳。 321 327 139 140

第三十一章

金及鉑族 328 333 141 144

● (礦物目錄) ●

提綱 (題) 1 2 (面) 1

第一章

<u>礦物特論</u>	(題) 3	(面) 2
<u>第一節</u>		
<u>原始礦物</u>	426	319
<u>第二節</u>		
<u>沈澱礦物</u>	27.....37	10.....13
<u>第三節</u>		
<u>金屬礦物</u>	38..... 65	14.....24
第二章		
<u>礦物通論</u>	66.....75	25.....29
第三章		
<u>巖石特論</u>	76.....85	30.....34

● (生物學目錄) ●

第一章 生物學大綱

(題) 127 (面) 131

第二章 動物

第一節

通論 111 33.....36

第二節

原始動物 1215 37.....39

第三節

空體動物 1619 40.....41

第四節

棘皮動物 (題) 20 22 (面) 42 43

第五節

蠕形動物 23.....32 44.....48

第六節

軟體動物 33.....44 4953

第七節

節足動物 45.....91 54.....70

第八節

脊椎動物 92..... 133 71.....91

第三章 植物

第一節

總論 1.....3 93.....94

第二節

植物形態學 447 95..... 111

第三節

植物解剖學 48.....65 112.....119

第四節

植物生理學 66.....91 120.....133

第五節

植物分類學 92..... 106 134.....140

第四章 生理學

第一節

總論 (題) 1.....5 (面) 141.....145

第二節

消化系統 620 146.....157

第三節

循環系統 21.....42 158.....168

第四節

呼吸系統 43.....55 169.....175

第五節

排泄系統 56.....65 176.....179

第六節

神經系統 6671 180.....183

第七節

骨骼系統 72.....83 184.....192

第八節

筋骨系統 84.....88 193 194

第九節

皮膚系統 89.....91 195.....196

第十節

五官系統 92..... 100 197 ... 202

第十一節

關於全身之生理(題)101.....102(面)203.....206

中外歷史問題詳解

第一編 中國史

第一章 上古史

[1] 我國民族分布之地點。

我國民族，共分六種：

1. 漢種——其先來自西方，沿黃河流域，漸次蕃殖於四方。
2. 蒙古種——原殖於西伯利亞之貝加爾湖上，漸蔓延於蒙古及青海。
3. 東胡種——其大部分散布滿洲。
4. 突厥種——初蕃衍於內外蒙古，其後新疆亦有之。
5. 唐古特種——蕃衍於青海，西藏，及四川，雲南之邊地。
6. 苗種——多合於漢種；其未化合者，今多雜居於川，滇，黔，桂之邊徼地方。

[2] 黃帝之偉業。

黃帝之偉業，分內政，武功二層：

1. 對內方面——衣服，居處，器物之進化；舟

車與貨幣之創作，置史官，定日曆，制音樂，立封建，皆內政之方略也。

2. 對外方面——立國於有熊；慨神農之末，諸侯相侵，欲謀統一天下，乃習用干戈；與神農三戰阪泉之野，而始得志。又逐蚩尤於涿鹿之野，於是諸侯皆服。帝安撫四方：東至於滹，西至空峒，南至於江，北逐獯鬻，合符釜山，中國版圖乃日擴矣。

(3) 周末學術發達之原因。

周末之學術思想，實為中國思想界之「黃金時代」。推其所以能放此異彩者，約有三因：

1. 教育之解放——自周衰，學校不修，孔子以大聖之資，集古代學術之大成；復打破教育上之階級，力持「有教無類」主義；向者整齊劃一之思想界，遂一變而為自由發展之思想界矣。
2. 人民之痛苦——周之衰，社會經濟組織，根本搖動，人民生活大受其影響；加以列國爭衡，戰禍劇烈；各國政治又復黑暗腐敗，暴斂橫征；一時知識階級因欲解決人民問題，社會問題；乃各本其見解，為人民謀幸福。於是思

想界遂大活動。

3. 禮治之反響——周盛時，一切爲禮所治，迨乎周末，時思想家，遂以爲改革之目標，是爲「周末文勝」之結果。

〔4〕周末學術之派別及其學說。

周末學術，可分「改進」「革命」兩派：

1. 改進派——孔子爲儒家之祖，其學說以「仁」爲宗；以「忠恕」爲爲人之道。又倡「正名主義」，孟子，荀子諸人宗之。
2. 革命派——老子爲道家之祖，其學說：爲「無爲主義」；反對禮治極烈。莊周，列禦寇等傳之。又墨子爲墨家之祖，其學說完全爲「實用主義」。其根本與孔子老子不同，尤在其治學方法：非若孔老偏重理想；必想實用辦法。禽滑釐胡非子等傳之。

〔5〕孔，孟，荀三子學說之異同。

孟荀二子，其學同出孔子。然孟主「性善」，荀主「性惡」；孟主「法先王」，荀主「法後王」，其於政論，孔子只提出「仁」爲禮之根本；而孟子則頗不滿於禮，倡「民貴君輕」之說；荀子却隆禮，主張「君以制臣，上以制下」，故曰：孟

荀學宗孔子，而又能各主其說；是皆同旨異趣者也。

〔6〕試論六國政策之得失。

戰國之世，齊，楚，燕，韓，趙，魏，秦等七國，既各據要害，雄視一方；惟秦據三涵之險，閉關而守，諸侯不能攻；開關而出，諸侯不能拒，先是蘇秦說諸侯以「合從」，諸侯用其策，合力以擯秦；秦懼六國之得策；復因張儀以「連橫」之謀離間六國，六國之君不察，乃用其謀；於是背盟敗約，自行親秦，以致勢孤，咸為秦滅。此六國之失策者也。

〔7〕上古文明概況。

1. 制度
- (1) 政制——古初為酋長專制；封建時代，為貴族專制。
 - (2) 官制——虞設九官，夏設公卿，大夫，元士。商設二相，方太，五官，六府，六工；周設六官。
 - (3) 田制——三代行授田制。商周為井田。至戰國時，井田制廢，行私田制。

2. 學術

- (4) 兵制——周用徵兵之法。
- (5) 法制——古因苗民之舊，用肉刑。
- (1) 學校——虞，夏，商，周設大學教貴族子弟，小學為尋常人民學習之所。
- (2) 天文學——神農發明天文學，黃帝發明日曆。
- (3) 哲學——以伏羲，文王，周公，孔子之易為大宗。
- (4) 文學——左傳，楚詞，散文，各有特色。
- (5) 科學——算學，則有周髀算經，軍事學，則有司馬法，及孫子兵書。醫學，則有內經。

- 3. 宗教——崇教多神。
- 4. 技藝——音樂，繪畫，書法，雕刻，建築，皆大昌盛。
- 5. 風俗——家族有尊卑，長幼，及男女之別。婚姻始於伏羲，至周乃有納采，問名，納吉，納徵，請期，親迎等六禮。唐虞以前，婚姻無同姓

之嫌；至周始同姓不爲婚；惟一夫多妻之制仍舊。

第二章 中古史

(自秦至宋之統一)

(9) 秦始皇之偉業。

1. 疆域之開拓：

秦既滅周，次第兼併六國，遂盡有今黃河長江兩流域之地。更命蒙恬北伐匈奴，收河南；築長城，西起臨洮，東迄遼東；南取南越，置戍五嶺；滅楚；平江南。總是時秦之疆域：東至於海，西至臨洮，巴蜀，南盡百粵，北至今綏遠，東北進至遼東，界朝鮮。中國本部之疆域，此時已確定矣。

2. 制度之設施：

秦既統一，廢封建，行郡縣，而集權於中央；於鄉行自治制，其鄉官，皆由民選。

3. 文字之統一：

自倉頡造字，字體歷代略有變遷，各國咸有殊異。迨至周時，諸侯各國，言語異聲，文字異形，秦既統一天下，深感於政治上文字不統一之困難；於是廢其不與秦文同者，改大篆爲小

篆。又命程邈作隸書，而文字於此益趨簡便矣。自是中國亦始有統一之文字。

4. 交通事業之發展：

秦地既遼闊，道路之阻塞，頗足以妨礙其統一之政策；乃首以開通道路，去其障塞爲務。民力竭，交通便矣。

[10] 秦始皇之暴政。

秦既統一，務尊君權，毀一切階級，嚴刑峻法以爲治。收民間兵器，徙諸郡豪傑於咸陽，以防人民之反動；燒詩書百家語，坑儒生四百六十人，以束縛人民之思想；巡遊東南，封禪山川，民困苦勞役；北伐匈奴，南略百粵，民苦戰事。田租賦稅，數十倍於古。民之生活，尤感痛苦；毋惑乎始皇死，革命軍斬木揭竿而隨之興也。

[11] 秦始皇廢封建行郡縣，試論其得失。

春秋時，諸侯驕恣，禍亂相尋，此非他，封建制度使然也。蓋公，侯，伯，子，男，世襲相承，勢力均等，天子之命，不行於諸侯；而諸侯遂視天子爲木偶。故秦始皇有感於此，廢封建，行郡縣之制，而集權於中央，郡有守，縣有令，皆由中央政府簡放，中央復置「監」以糾察郡縣之官，定其黜

陟，而收集權之效。由此觀之，秦始皇之廢封建，行郡縣，亦可謂得策矣。

〔12〕秦始皇焚書其尚有留而未焚者何書？

始皇燒詩書百家之語，存者僅醫藥，卜筮，種樹，法家之書而已！

〔13〕漢武帝之武功。

自漢高以至景帝，匈奴屢爲漢患。及帝卽位，欲滅之以弭患，命衛青，霍去病伐之，收復河南地，置朔方郡，去病亦北伐有功，匈奴遠遁，自是漢南無王庭。又遣張騫，使大月氏，通西域諸國：西至安息，南至身毒；唐蒙通南夷，入夜郎國，置犍爲郡，又遣司馬相如通西夷，置牂牁郡。其後遣路博德，楊僕等平南越，置九郡。又遣郭昌等平西南夷，置五郡。楊僕等平東越。郭昌下滇，爲益州郡。趙破奴破樓蘭，下車師。楊僕等平朝鮮，置四郡。於是漢之版圖，東與南皆濱海，西與北皆抵沙漠。武帝之武功亦偉矣哉！

〔14〕漢宣帝之吏治及武功。

帝卽位時，精心政治，善必賞，惡必罰。魏相，丙吉，黃霸于定國等，相繼爲相，官稱其職，民安其業，頗稱治平。

帝吏治既精，武功亦盛。命常惠率兵伐匈奴，大破之。時西域有三十餘國，以車師茲莎車烏孫等爲最強，帝命馮奉世及鄭吉等經營之，威振西域，併獲天山南北。由是漢威遠及西北諸國。

[15] 兩漢時代立功於西域者若干人？試列舉之；並略述其事蹟。

西漢時代，立功於西域者有四人，分述如下：

1. 張騫——初漢武帝攻匈奴，不利，乃命張騫通月氏以牽制之。騫中道爲匈奴所得，留十餘載，得間西去，至大宛。河西道既通；騫遂建「連烏孫弱匈奴」之策。騫自往烏孫，分遣其副往大宛，康居，大夏，安息于閩，及其他諸國，皆與其人至漢。——於是西域等三十六國始通。
2. 馮奉世——漢宣帝時奉命持節使西域，至伊修城，會莎車及其隣國，歃盟叛漢。奉世遂以節諭告諸國，發其兵，進擊莎車，攻拔其城，莎車王自殺，傳首長安；更立他昆弟子爲王，諸國悉平，威震西域；賜爵關內侯。
3. 鄭吉——宣帝時，車師王與匈奴結婚；教匈奴遮漢。吉奉命發諸國兵，及所將田士，共擊車師，破之，威名大振。以功封安遠侯。

4. 班超——竇固擊匈奴時，超爲假司馬，以三十六人奉命通西域，降鄯善，于闐，疏勒及其旁諸國；會漢罷都護，召超歸；疏勒，于闐之人，抱超馬足，不使行，超乃用以夷攻夷之策，擊定莎車，龜茲，等西域五十餘國，使皆納質內附。自是威振西域，封定遠侯，超在西域凡三十一年。

[16] 東漢宦官致禍之原及黨錮之禍。

東漢宦官，爲禍極烈。究其起原，實以和帝之寵信，與外戚之專權，相爲表裏。初和帝以外戚竇憲專權，將謀爲逆；帝知其謀，憤甚！而外臣莫由親接。遂與宦官鄧衆謀殺憲；於是策勳頒賞，宦官用權。迨至安帝，順帝桓帝時，宦官之勢日張。當是時，太學頗盛，士大夫尙氣節，抗憤激揚，品覈公卿，裁量執政，清議頗嚴。會陳蕃爲太尉，舉李膺爲司隸校尉，宦官畏膺，而陰上書桓帝，言膺等與太學遊士爲朋黨，誹謗朝廷，桓帝震怒，捕膺等，株及其黨至二百餘人，皆禁錮終身，是謂「黨錮之禍」。

[17] 兩漢經學文學之倡盛。

漢人鑒於秦之改制而速亡，一時思潮頗傾向於

復三代之舊。自漢武尊崇六經；研究經學者，遂大盛於世。惟秦火之後，古籍零落，學者第憑其師口授而傳述之；內容致有詳略，理解難免歧異；於是各經乃有今古文之紛爭。至於文學，發榮滋長，實具承先啓後之規模。散文，有司馬遷之史記，爲後世歷史及文學之祖。東漢則有班固之漢書，爲斷代史之祖；劉向之新序，說苑，開傳系劄記之風。若夫韻文：賦則有司馬相如，班固，揚雄等；詩則有李陵，蘇武之抒情詩，及東漢時孔雀東南飛之敘事詩，皆一時之絕倡，而爲後人所模範者。

〔18〕東漢衰亡之原因。

東漢衰亡之原因，綜其要端有六：

1. 外戚之專權。
2. 宦官之擅政。
3. 苛歛民財。
4. 任用私人。
5. 西羌爲患，連年戰爭，財政空乏。
6. 黨錮獄興，大失民心。

有此六種原因，所以黃巾乘之作亂，國勢遂潰敗而不可收拾矣。

[19] 試述諸葛孔明治蜀之政績。

諸葛亮之輔政也；撫百姓，示儀軌，整官職，脩法制，開誠心，布公道，盡忠益時者，雖讎必賞；犯法怠慢者，雖親必罰；服罪輸情者，雖重必釋；游辭巧飾者，雖輕必戮；善無微而不賞，惡無纖而不貶，庶事精鍊，物理其本；循名責實，虛僞不齒，終於邦域之內，咸畏而愛之；治蜀雖嚴，而無怨者，以其用心平而勸戒明也。

[20] 兩晉之士風。

兩漢時，實儒學全盛之時代，學者皆盡力於註釋經書；且多尚氣節，至魏晉之世，咸矯其弊。於是佛老之學起，遂開玄妙虛空之清談。其說尚虛無，蔑禮法，而崇放達；甚者乃至縱酒，佯狂，露頭，散髮，去衣，箕踞，以自爲曠達率真，當時父兄師友之所講求，專推究老莊以爲口舌之助；朝野翕然，殆無一人憂國事者。所以八王之亂乘之，五胡之禍繼之。

[21] 晉亂亡之原因：

晉世統一，不過數十年，即行覆滅，其致亂亡之原因，皆肇於開創之時。其端有六：

1. 君主昏庸，

2. 奸臣弄權，
3. 士大夫之豪奢，
4. 士風之虛浮，
5. 封建之權重，
6. 州郡之兵制旁落。

[22] 五胡亂華之原因。及其影響。

五胡者：匈奴，羯（均屬突厥種），鮮卑（屬東胡種），氐，羌（均屬唐古特種）是也。

其亂華之原因有五，分述如下：——

1. 因華人輕視戎政。
2. 華人內亂相尋，五胡乘機而入。
3. 華人兵備廢弛。
4. 華人士風頹廢，無聞國事。
5. 胡人居荒涼之地，急欲南遷，

對於中國之影響有三：——

1. 文化上古蹟被其破壞。
2. 種族上同化最多。
3. 北方民族凶悍成性，故於道德上極破壞。

[23] 試填下列各句空格以相當字。

1. 邢夷造墨，仲由造硯，蔡倫造紙，蒙恬造筆。
2. 秦景憲使月氏受口授之佛經，是為中國

人知佛經之始。

3. 長安人(法顯)，由陸路赴印度，得經由水路東還，是爲中國僧入印度之始。
4. 我國學校之興，始於(虞夏)。徵兵之制，始於(周)。
5. (太史籀)作大篆，(李斯)作小篆，(程邈)作隸書，(秦時次仲)作八分，(漢時次仲)作楷書，(劉德升)作行書，(張芝)作草書，(蔡邕)作飛白體。
6. 戰國四君爲(齊孟嘗，趙平原，魏信陵，楚春申)。
7. (漢桓帝)時，羅馬通使，攜象牙，瑇瑁入貢；是爲中歐貨入中國之始。

[24] 澗水之戰秦敗晉勝之原因。

秦所率之步卒六十餘萬，騎兵二十七萬，要非純粹秦人，兵卒既雜，軍心不一，未戰之時，已各異志。其敗一也。

苻堅恃衆而驕，晉人以寡死拒；故秦敗晉勝二也。

秦居北地，善用兵於平野，不利水戰；晉則反是。故秦敗晉勝三也。

澠水之地近晉而遠秦；秦師遠來而力疲，故秦敗晉勝四也。

[25] 略述南北朝時對於學術界上之一大貢獻。

是時也，對於學術界上之一大貢獻，即『音韻學』是也。漢以前之人，不知反切；自後漢佛教流入中國，婆羅門書，以十四字貫一切音之術，亦從而傳入。字母之法權輿於此。至魏孫炎，始作翻切。翻切者，以兩字約成一音：其上一字與本字皆為「雙聲」；下一字與本字皆為「疊韻」。此法一興，文學家多尚之；梁沈約創「平，上，去，入，」四聲之別，以諧詩文之音調。更作紐字之圖，『音韻學』於以興矣。

[26] 秦隋歷史之比較。

秦始皇滅六國，統一海內，隋文帝平定南北，統一宇內；秦築萬里長城，隋開鑿運河，兼築長城；始皇大營宮室，出遊巡幸，煬帝造宮苑恣巡幸；秦時羣雄割據，隋時羣雄倡亂；秦始皇廢太子扶蘇而立胡亥，隋文帝廢太子勇而立廣；秦時權臣篡逆，隋時亦然；綜上以觀，秦隋歷史頗多相同也。

[27] 隋煬帝開運河之利益。

楊帝開鑿運河，雖屬勞民傷財，然於南北之交通，利便匪淺；南北之風氣，調和甚鉅。南北之分，以江河爲大限。因開汴渠以通河淮，修邗溝以通江淮，復開江南運河以達杭州，更穿永濟渠，自河以通於涿郡，於是南至杭州，北至涿郡，西至洛陽，皆可舟航直達。復引渭水，開廣通渠，以通長安。自是南北溝通，吾國文化之統一，實利賴之。

[28] 隋亡唐興之原因。

隋亡之原因：綜其大者有四端：

1. 財政窮乏（營宮室，開運河，恣巡幸，誇侈靡）。
2. 篡殺相尋。（楊帝弑父殺兄；後爲宇文化及所弑）。
3. 人心叛亂。
4. 羣雄割據。

唐興之原因：綜其大者凡四端：——

1. 藉突厥之援助。
2. 世民善於用兵。
3. 人心之傾向。
4. 乘權臣篡逆，得虛入關。

〔29〕唐初之租稅法何如？

唐初之租稅法，爲「租庸調法」。有田則有租，每丁歲入租粟二石；有身則有庸，歲役二旬，不役則收其傭；有戶則有調，調隨土地所宜。

〔30〕唐太宗之功業。

太宗天資英敏，遇事勇決。而又淹貫文學，任用賢能。帝尤留心民事，使李靖等巡行天下，察長吏賢或不肖，問民疾苦；又慎重刑辟，講求治道，羣臣盡力，紀綱肅然，海內升平，民安其業，有「外戶不閉，道不拾遺」之風。太宗之內治，可謂極盛矣。

帝既善於治內，又奮武威，先滅東突厥，（地在蒙古）。繼下吐谷渾，高昌，（在吐魯番烏魯木齊之間）。薛延陀（在外蒙古西部）之屬；東討高麗，南服天竺（即印度），西平西域；唐之版圖：東極海，西至馬耆，南盡林州（在今安南境）南境，北接薛延陀界；其版圖之廓，爲前古所未有。

〔31〕唐時之府兵制若何？

高祖初析關中爲十二道，道皆置府。時以天下未定，將舉關中之衆，以臨四方，乃置十二軍，分統關內諸府。每軍將副各一人，凡民無事，則耕於

野，有事則出而從事軍旅；還則散於府，將歸於衛。由是士馬精壯，所向無敵。且國無多兵之費，民無專兵之患。故先儒謂『三代而下，兵制之善，惟唐時之府兵耳。猶得「寓兵於農」之意，蓋近古之良法也』。

[32] 何謂唐室三大禍？試各述其起原及其結果。

唐自太宗卒，內亂頻起，外患漸繁，而尤以「女禍」，「藩鎮禍」，「宦官禍」，相繼而起，為患最烈，是謂唐室三大禍。

(1) 女禍——女人為禍者凡四；武后，韋后，太平公主，楊妃是也。其起原皆由於國君之寵任，兼之優柔寡斷，致使婦人干政，而釀成大禍也。茲分述於下：

1. 武后——初為太宗才人，高宗見而悅之。及太宗崩，武氏出為尼。高宗立，因內宮爭寵，遂納武氏為妃，尋武氏誣王皇后而殺之，并殺長孫無忌，貶褚遂良。高宗病，令之裁決國事，由是遂參與大政。初帝以陳王忠為太子，后廢之；立其子弘，旋又酖殺之；更立其弟賢，又廢之；立英王哲，是為中宗。中宗既立，后為皇太后而執政，旋又廢中宗為

廬陵王，立子旦；然政權皆自后出。會徐敬業起兵討武后，兵敗死。自是后疑天下圖已，遂大殺唐之宗室，唐祚幾絕。其幼弱者，亦流嶺南。乃正式即帝位；改國號曰周，自稱則天皇帝。濫以祿位收拾人心，後張柬之等迫后復位於中宗，反周爲唐。——計其篡唐凡十六年，古所未有也。

2. 韋后——中宗即位，復寵倖韋后。韋后淫亂不讓武后，而才識遜之。武后姪武三思出入宮禁，與韋后通，擅作威福，殺柬之等功臣。太子重俊以羽林軍誅三思，遂迫帝宮，兵敗死，自是后淫亂日甚，因畏人言，遂毒殺中宗。於是相王旦之子隆基（即玄宗）以羽林軍撲殺之，亂乃平。
3. 太平公主——公主，武后女，沈敏多權略。韋后之誅，公主與有力焉；以是睿宗尊重之，與議政事，權傾人主。然猶以太子英武，心焉忌之，謀害未逞。旋玄宗立，公主益忌之，與其黨陰謀廢弑；玄宗乃收主黨斬之，主亦賜死，亂始不作。
4. 楊妃——玄宗在位歲久，漸肆奢慾。

楊妃，帝子婦也。結縭已十年，帝悅其美；令妃自以其意乞爲女官，號爲太真。帝旋潛納之於宮中，冊爲貴妃，寵幸備至。妃性淫蕩，嘗與安祿山通。迨安祿山既叛，楊國忠亦從之反，而貴妃陰實主之。玄宗出奔於馬嵬，軍士不進乃縊楊妃。

(2) 藩鎮禍——

藩鎮強大之原因：——玄宗時，於邊境置十節度使，以禦外蕃，所統各州屬等；更多兼按察，安撫，度支，等使者，於是人民，甲兵，財賦之權，盡入其手；已啓外重內輕之漸。肅宗，代宗，因一時用兵之權宜，諸鎮節度，往往聽軍士擁戴，或自由割據；中央號令，益漸微弱，而藩鎮益形跋扈，藐抗朝命。乃帝專事姑息，不思整頓，以致各鎮多世襲不受代，將士有殺主而自立者，亦授其官；釀成藩鎮之禍，不可復制。迨德宗立，各鎮聯盟以抗中央。帝命將征之，不克；諸鎮遂紛紛稱帝稱王。既而相繼反，德宗出走。兩傳至憲宗，聰明英毅，有削平禍亂之志。任用賢能，善得政體，朝庭之勢甚盛；而藩鎮爲軍士所制，逐之，殺之，概由軍士。凡

藩鎮跋扈六十餘年，互黃河南北，至是悉遵朝廷約束。

(3) 宦官禍：——

初唐自太宗定制，內侍省不置三品官，玄宗，肅宗，寵任閹宦，漸躋顯職。德宗猜忌宿將，使宦官掌禁軍，干預政務，攬權樹威，其勢益張。憲宗晚年，爲宦官所弑，立穆宗恆，由是宦官遂操廢立之權。若敬宗，文宗，武宗，懿宗，僖宗，昭宗皆爲宦官所立。而傷賢害能，召亂致禍，賣官鬻獄，沮敗師徒，蠹害蒸民者，幾不可勝數。昭宗欲誅宦官，召朱全忠率兵驅宦官，悉數殺之。自是宦官絕跡，而唐室遂亡。

[33] 漢呂后之禍與武后之禍比較。

呂后之禍，實較武后之禍爲小。蓋呂后雖兩立少帝，稱制，王諸呂，然不久爲周勃等所滅，而漢祚仍然也。非若武后之淫亂無度，大殺宗室，唐祚幾絕。又改唐爲周，在位凡十六年，始滅。觀乎此，則足以證明武后之禍大於呂后也。

[34] 試述安祿山之禍。

安祿山本營州雜胡。初爲瓜州張守珪義子，嘗敗軍當斬，械送京師；玄宗釋而用之。祿山善媚，

事帝左右，大見寵信，遂爲平盧節度使，兼范陽，河東兩鎮；陰蓄異志。宰相楊國忠與爭寵，祿山遂反，陷洛陽，自稱燕帝，帝倉卒奔蜀。太子卽位於靈武，是爲肅宗；用郭子儀，李光弼，借兵回紇，以圖恢復。會祿山爲其子慶緒所殺，遂得恢復兩京，亂始定。

〔35〕唐代宗教之派別。

唐代版圖遠拓，以信教自由爲招徠，故外教羈入者特多，其最著者五：

1. 佛教——佛教始於西漢之哀帝，東漢之明帝，魏晉以降，佛教愈盛。及前後秦時，乃大盛。唐時，玄奘由陸路至印度，得經六百五十部；義淨亦由海路至印，得經四百部，至是佛教，益弘布於中土矣。
2. 道教——道教本沿方士之舊，託於黃老。漢季晉初，老，莊之說，及五經中之易盛行。至唐時，普及國內。唐玄宗註道德經，（老子著）立爲學科，道教乃風靡一世。
3. 回教——隋唐之際，穆罕默德，遣其徒撒哈八等自大食，由海道入中國傳教；建寺於杭州，廣州，是爲回教入中國之始。

4. 景教——景教爲東羅馬教徒乃司脫利安所創，爲耶穌教之別派，唐初與波斯交通；因波斯流入，自後遂盛行中國。
5. 祆教及摩尼教——祆教起於波斯，又名拜火教。唐時由波斯傳入，甚流行。摩尼教乃合祆教，景教，佛教而成，亦起於波斯，由回紇入中國。此二教不久即衰，於吾國無甚影響。

[36] 唐時文藝之特盛。

文藝特盛之原因：唐既於思想上受時代之遏塞；乃於文藝上大顯其活動，加以承南北朝之遺風，國外文藝之輸入，治者階級之提倡；於是唐之文藝，遂臻極盛。—唐之文藝如繪畫，音樂，厯算等無不精妙；尤以文詞，書法二者爲最，茲分述之：

1. 文詞——詩有古體近體之分：古體即古樂府之所遺；近體則有格律，乃有律詩，絕詩之體別。如李白，杜甫，有「詩聖」「詩仙」之稱。他若高僧寒山，拾得，用白話入詩，純任自然。則又別樹一幟者也。
2. 書法——唐以書判取士，故書法特精妙。太宗尤好王羲之之書，故其書特工，以是書家大

作：如歐陽詢，虞世南，褚遂良等皆宗王羲之。褚得其肉，歐得其骨，虞得其筋，皆稱絕妙，其後顏真卿，柳公權，亦宗羲之而得其筋骨者。他如李北海之行書，張旭，懷素之草書，其尤著者焉。

3. 散文——魏晉以來，其文章皆尚駢偶，諧聲韻，然太競才華，罔切實用，是其弊也。唐初沿六朝之舊，韓愈，柳宗元等出，乃力倡復古，排斥駢文，化爲散行。靡弱之文氣爲之一振，所謂「文能起八代之衰」也。
4. 繪畫——唐時與書並盛者，則爲畫。玄宗時，吳道子以畫人物山水名，與晉顧愷之，宋陸探微，梁張僧繇，並稱畫家四祖。王維之破墨山水，開南派之宗；李思訓之金碧山水，啓北派之始；自是畫亦分南北。
5. 音樂——秦漢魏晉，古樂漸失傳，至唐時，太宗有制禮作樂之志；制定一大樂部，名之曰燕樂，以別於古之雅樂。玄宗精於音樂，選梨園子弟；於是臣下慕之，皆習音律。唐詩本盛，當時俗人有將當時名作譜入樂章者。如李白之清平調，王翰之涼州詞，皆著名於世。故詩

變爲詞，實肇機於此也。

6. 曆算——天文曆算之書，未遭秦火，故歷代多有發明。唐時，曆算大家，前有李淳風，後有僧一行。淳風造麟德曆及諸算經，而渾天儀其最著者。

【37】唐亡之原因。

唐亡之原因，其最著者凡七端。

1. 女禍移祚。
2. 藩鎮擾亂。
3. 宦官弄權。
4. 朋黨傾軋。
5. 賦稅苛斂。
6. 外患頻仍。
7. 民心大變。

【38】黃巢亂唐之顛末。

唐末，兵革屢起，國用不足，賦斂愈急，百姓愈困，以致相聚爲盜，故黃巢之起亦時爲之也，勢使然也。僖宗初年，王仙芝起兵於濮州，陷諸州，而黃巢應之。王仙芝旋被誅，黃巢之勢大盛，轉戰河，淮，江南北，浙東西，閩，廣，湘，荆，所過焚殺無遺，更自贛，皖，北渡江，淮，陷洛陽，破潼關，

而入長安，自稱大齊皇帝。僖宗奔蜀。沙陀人李克用奉詔將萬人來援，大破巢，巢遁走。未幾爲克用所殺。巢之亂，前後計十年，騷擾徧中國；東都遺民，僅百餘戶，荆南僅十餘家，他可知矣。

〔39〕黃巢失敗之原因。

1. 因殺戮過多，人民怨望，皆起叛心。
2. 因待遇將士非常苛刻，故將士不甘効死。
3. 因只知善戰，而無統治之能力。
4. 因李克用善於用兵，故致失敗。

〔40〕漢唐二代，皆召外兵以除宦官其策若何？

東漢末葉，宦官禍國。何進用袁紹「召外兵以誅宦官」之言，召河東董卓入京。卓專權自恣，廢帝辯，立獻帝，殺何后。漢遂亡。

唐昭宗時，宰相崔胤欲盡除宦官。乃奏請「召外兵誅宦官」，帝從之，遂召朱全忠入殺宦官。全忠威鎮天下，遂有篡奪之志。唐遂亡。

由上觀之，「召外兵誅宦官」之策，不啻引狼入室，而欲室內安全，未之有也！若漢唐之亡，良可嘆矣！

〔41〕唐室之後 羣雄割據，不能統一凡五十四年。其原因安在，及其影響若何？試略言之！

唐亡，各藩鎮據地自立，國遂分裂，而有「五代」「十國」之分，勢均力敵，紛紛擾攘，以致不能統一者五十餘年，遂使國家社會兩方，均生絕大之變遷。其最著者，約有四端：

1. 特殊世族階級之破壞，而國民「重視家族門第，輕視國家」之觀念，卻根深蒂固而不可拔矣。
2. 學校荒廢；生徒咸習苟安，不勤於學；梁晉二代，各以舉子學業不精，停止科舉者二年，其學術之疏，蓋可知矣。
3. 印刷術之進步，與文明之發達，所關實大。宋代學術思想之大盛，此亦其一原因也。
4. 五季之風俗，無禮義，無廉恥，無仁慈，古今所未有也。

(42) 石敬瑭求助契丹，引兵滅唐，其策善否？其影響於後世者若何？

契丹以晉開運，出帝時兩次入寇，均為所破，至石敬瑭與廢帝不睦，敬瑭奉表稱臣，求救於契丹，且請以父禮事之；約事捷之日，割盧龍一道，及雁門關以北諸州以報。嗚呼！敬瑭之於契丹稱臣足矣，事以父禮不亦過乎！厚與金帛足矣，復

割地以留異日之患，而猶夢夢然自爲得計，不知自哀；可謂喪心極矣！迨夫契丹既洞識中國之衰弱，又得十六州以益其勢，於是驕奢日甚。出帝既立，稍不稱懷，即舉兵入大梁，執出帝及太后等北去。於是晉亡。

自此以後，劉智遠亦仿此策以稱帝。自宋真宗而後；契丹時來騷擾，旋和旋叛。宋之一代，幾與「種族競爭」相終始，遼衰而宋南渡矣。由此觀之，石敬瑭求助契丹，引兵滅唐之策，其影響於後世者，誠非淺鮮矣！

第三章 近世史

(自宋之統一至清末)

[43] 宋太祖之事業

太祖既得天下，用趙普策，罷石守信等曲禁兵，旋罷諸功臣節鎮；又改定新制，漸收財政軍政兩大權於中央，而成健全之政府。由是唐以來藩鎮跋扈之弊盡去。立禁旅更代制。故將不得專兵，兵不至驕情，舊時之宿弊盡除。又頗留意於邊備，乃選良將，使守邊徼，西北之患遂靖。乃專力東南；首平荆南，及湖南。繼命王全斌平後蜀；潘美平南漢；曹彬平南唐，統一海內。

[44] 宋太祖之集權政策有無流弊？

宋之兵制，精銳皆聚於中央；諸州之兵，則謂之廂兵，大抵皆不堪戰陣，惟充勞役。且諸州廂兵，皆內總於待衛司，一軍分駐數州，或一州兼屯數軍之兵，益以文臣知州事，既不知兵，所轄州之駐兵，又不能收指臂之効；乃成外輕內重之勢，邊郡自是無重鎮。後之金元南下，州郡望風而破，皆由此也。

[45] 遼興之原因。

1. 在唐時地廣兵衆，得以增強其勢。
2. 五代十國時互相構兵，不遑外顧，於是遼得以養兵卹卒。
3. 遼王邪律阿保機英勇過人，得以統一疆土。

[46] 宋與遼之關係若何？

宋之一代，幾與「種族競爭」相終始，而始與之爭者，實爲遼。遼雖爲周世宗所挫；然國勢正盛，以故宋與遼戰而屢敗；遼益懸軍深入。眞宗時，遼遂大舉入寇，澶州之役，遼氣奪，有和意。寇準請擊之，不聽；反許歲幣以和，宋，遼以白溝河爲界。然遼猶野心未死，覬覦關南諸地；終北宋之世，遼常爲患。迨遼衰而宋亦南渡矣。

[47] 宋代遼金之禍，其原因安在？

遼之禍宋，其原因有二。遼者晉存勳之稱臣，石敬瑭之獻地，皆足助成遼勢，遂懷入寇之心。近以宋眞宗之優柔寡斷，苟安以和。復以西夏之牽掣，不克早弭遼患，以故宋室遂爲多難之秋。

金之禍宋；實徽宗之自取也。當是時，其能與遼相抗衡者厥惟金。徽宗卽與金約攻遼，事成以石晉賂契丹之地與宋，而以贈遼之歲幣贈金。後宋敗於遼，遼滅於金，金於是益知宋之衰弱而不足懼矣。乃宋背約，金遂侵宋。二帝（徽宗，欽宗）蒙塵，北宋以亡。

[48] 宋室政黨紛爭之起原，經過及影響。

宋代朋黨傾軋之事，幾與國祚相終始。自太祖至仁宗，朝臣樹黨相爭，或爭意氣，或爭權寵，無足稱道者。其能以政治爲綱，而有合乎政黨之行爲者，惟神宗時新舊黨之爭而已。——宋受遼夏兩方之感觸，不得不講求政治，爲根本上之解決。神宗卽位，欲雪歷朝之恥，力排衆議，用王安石爲相。安石亦以富強自任，勵行新法。當時舊臣韓琦，司馬光等皆不以爲然，而新舊黨爭起矣。安石旣用羣小，闇於知人，以致新法施行，日益

敗壞，安石又以操切出之，徒尚意氣，而於弊之有無，不復深究；遂不免病苦，爲舊黨所藉口，復以與西夏開釁，喪師六十萬；國家元氣大耗。而猶以「欲取姑與」之說，輕棄東西七百里之地於遼；安石益爲時詬病。哲宗立，太后高氏臨朝，乃悉罷新政，貶新黨，引用司馬光等舊臣，一時稱治。於是舊黨勝而新黨失敗。無何舊黨忽自分裂，遂爲新黨所乘。太后卒，帝親政，任用羣小。徽宗立，蔡京童貫等專權，惟一意排斥舊人，自是新黨得勢，而國是遂變。——此新舊黨爭經過之大略也。金兵入寇，二帝蒙塵，皆黨爭之影響也。

〔49〕王安石行新法失敗之原因

1. 任用不得其人。
2. 舊黨極力反對。
3. 太后高氏喜舊惡新，故新法失敗。

〔50〕商鞅變法，秦國富強；王安石變法，宋室擾攘；其故安在？

商鞅變法，孝公深爲信任；既無朝臣之掣肘，復得人民之樂從；故秦富強。若王安石之變法，雖得神宗之信任。無如內有太后之牽掣，外有舊黨之反對；矧任用羣小，任意妄爲，爲民詬病，是以

宋室擾攘，無寧日也。

[51] 宋代理學發達之原因。

宋之理學，爲融合中國印度思想者；實中國學術之一異彩也。原理學之興，約有下述諸因：

1. 書籍之廣布；——自唐時始有私家藏書。五代時雕板之術興，書肆驟盛。宋時，更發明活字版，得書既易，學術思想之發展，自勃興而不可遏。
2. 思想之解放；——宋人思想，不肯爲古經所拘束；於是或稽典籍以求是；或憑直覺以疑古。思想解放之風成，故能脫離經學而創造理學。
3. 時代之反動；——自魏晉以來，人文教育闕焉不講，榮辱無關，至宋統一中國，竭力提倡氣節。風氣一變，宋儒起，乃力崇實踐，專事修養，而成宋之理學。
4. 佛教道教之發達；——佛教道教皆爲宋代理學所根據。理學家幾無不以「出入釋老，反求六經」稱。

[52] 宋代道學朱陸二氏之不同。

朱儒論修養之道，自程頤以下，大抵主「格物」

「致知」至南宋朱熹乃集此派學說之大成。與朱熹同時有陸九淵，其持論與朱不同：大抵朱主「道問學」，陸主「尊德性」；朱主卽萬物而窮其理；格得一物，便得一理，積久而貫通之；陸主萬物皆在吾心。總之，朱之治學方法，爲「歸納的」（客觀的工夫），陸之治學方法，爲「演繹的」（主觀的工夫）：此其大不同也。

〔53〕 宋金議和之經過。

徽欽之北去也，都人不服張邦昌，乃迎立康王構，是爲高宗。後金兀朮數來侵，宋屢不支，於是有三次之議和焉，茲分述如下：

第一次——岳飛朱仙鎮之役，中原豪傑多響應，真有「直抵黃龍府，與諸君痛飲」之慨。既而秦檜用十二道金牌召飛班師；并搆殺之。遣師乞和于金，東以唐鄧淮水中流爲界，西削商秦之半，以大散關爲界。

第二次——金自與宋和後，邊境無事。既而金有內亂，背盟來寇，尋以部下叛，乃北還，遣師與宋議和。尋高宗卒，孝宗立，孝宗屢與金宣戰，銳意圖恢復。金乃通和，地界如前，訂宋金爲叔姪國。

第三次——和議既定，南北生民，均得稍息。由孝宗傳至甯宗，會蒙古擾金邊，宋即出兵攻金，屢不利；金遂發大兵，陷蜀，漢，荆，襄，兩淮諸郡。東南大震。於是宋乞和于金，和議復成。

[54] 成吉思汗之武功

成吉思汗即位，先滅泰赤烏，克列，尋破，乃蠻，南逼西夏，於是四鄰悉服。遂率大軍南侵金國，河北，山東，悉為蒙古有。繼滅西遼，花刺子摸；復由裏海南經高加索山，襲欽察部，破俄羅斯。攻西夏而逼之。遂由西方侵金，至六盤山，懼病而卒，是時蒙古版圖，已跨歐亞二州，遂割其地封二子。

[55] 蒙古勃興之原因。

蒙古自成吉思汗至忽必烈時代，——七十年間——東自中國，高麗，西至小亞細亞半島之一部，以及歐洲之俄羅斯，咸隸版圖；兵威所至，且及南陲。其所以成就此空前偉績者，約有下述之二因：

1. 蒙古生長沙漠，善騎射，耐勞苦，全國皆兵，兵行無輜重，故能所向無敵，且其所至之地，

豐腴又遠勝於沙漠生活；益足以動其掠奪之欲。

2. 彼之所遇：東亞則正疲於遼金夏宋爭持之餘；中亞東歐西歐又正在四分五裂之際；無一足爲其勁敵。宜乎其崛起而遂能席捲兩大洲也。

[56] 金衰亡之原因。

金衰亡之原因有四：——

1. 文弱。
2. 內亂。
3. 連年搆兵，財力俱疲。
4. 蒙古乘宋金相爭之際，崛起北方以擊其背。前後受敵，乃致滅亡。

[57] 元代之版圖及世祖之武功

元世祖既有天下，定都燕京。中國內地，滿州，蒙古，青海，西藏，及中亞細亞，俱爲所領。高麗交趾，亦受羈靡。又統御伊兒，欽察，察合台，窩闊台等諸蒙古汗國。版圖之大，冠絕古今。

世祖復降緬甸，臣占城，破爪哇；南洋諸國咸入貢。惟攻日本未有功。

[58] 元攻日本失敗之原因。

世祖自卽位後；所向莫不克服。惟征伐日本，未

獲遂願。究其致敗之原因，略有四端：

1. 日本島國，兵習水戰；元兵不惜水性；故失敗。
2. 元種雜而兵心不一；日本兵心一致。專一死戰。故失敗。
3. 元兵衆而心驕；日兵寡而敢死。故失敗。
4. 元兵渡海，適遭颶風，以致全軍盡覆。

〔59〕元衰亡之原因。

蒙古以遊牧民族崛起，不百年而建此空前之大帝國；乃不百年而仍歸瓦解。其所以興之驟而亡之速者？約有下述之諸因：

1. 無建設能力——

蒙古人長於戰爭，短於組織力。故其所至之處，往往摧殘其文化，而尠有建設。

2. 文字不統一。

蒙古人無固有之文字，所征服之國，即用其國之文字，故得畏吾兒，即用畏吾兒之文字；得中國，即用中國之文字。即新制之蒙古文及中國畏吾兒之文字，亦限於東亞，中亞，而不能行之於西亞東歐，文字之不統一如此，自無團結之精神。

3. 信仰無中心。

蒙古無一定之信仰，隨所征服地之信仰以爲信仰。故或信回教，或信基督教，或崇喇嘛教，或崇儒教，道教。其信仰之無中心如此，故鮮精神上之聯絡。

4. 重用計臣而民生困苦。

蒙古歷代，皆用賊官汚吏，掌財賦事。彼賊官汚吏專用聚斂，流毒百姓；刑罰輕重，視賄賂多少爲準。於是民不聊生，盜賊蜂起。

5. 君權紊亂而權臣擅權。

蒙古初制，大汗之立，開會推舉。自世祖後，此法既罷，又無繼嗣之法。以故篡弒相尋，權奸乘之，而國以衰。

6. 武勇之風消失。

蒙古自戰勝文化國，習於逸樂。而向者善騎射耐勞苦之遺風，因以消失殆盡。故被屈服之民族一生反動，遂不復能於維繫。

[60] 元之歷史最有影響於後世者何如？

1. 開歐亞交通之漸。
2. 黃種之勢力震動全球。
3. 開南北海運。

4. 詞曲小說盛行。
5. 喇嘛教漸盛。
6. 南北漸漸融化。

[61] 元代南曲北曲之別及其各大家之名氏。

詞學導源於唐，流衍於五季，宋之文人詩人，工此者甚夥。迨至元代，遂由詞遞變而為曲。於是有南北曲之別。北曲以王實甫為大家，著有西廂記；南曲以高則誠為大家，著有琵琶記。以我國往時教育之不普及，此類文字，遂為戲劇教育之源泉焉。

南曲北曲之別，有下列各種：

北曲

1. 簡明。
2. 無合前之體。
3. 無入聲。
4. 一人獨唱。

南曲

1. 繁雜。
2. 有合前之體。
3. 有四聲。
4. 兩人互唱。

[62] 試述各民族發展之能力期。

自南北朝以迄元代，為我國民族發展能力期。其間共分六朝，分述如下：

1. 南北朝以前，漢族常赫然居於主人之地位。故此時為漢族之單獨發展能力期。

2. 宋魏繼起，南北對峙，北朝以東胡遺裔，發展其能力於中國之北部；又吸收漢族固有之文明而混合之。是為漢族與東胡族同時發展能力時代。
3. 隋唐統一，國威遠揚。又並北朝之所混合者而混合之。是為漢族發展能力時代。
4. 五代紛紜，羣雄割據，倏起倏滅，是為漢族與突厥族更迭發展能力時代。
5. 宋室代興，混一諸夏，化機動盪，世變日繁。遼夏二國，鼎足於前；金元兩朝，兀峙於後，是為漢族與東胡族，唐古特族，蒙古族，同時發展能力時代。
6. 元既統一，威震歐亞，是為蒙古族發展能力時代。

(63) 試論明太祖政策之得失。

太祖既統一海內。乃從事內政。其得策處：若輕賦稅，明賞罰，定典禮，要足以革除元末廢弛之稗政。禁內官干政，庶免宦官弄權；戒母后臨朝，可除女寵之禍；至若禁封后家，足杜外戚之亂；武臣不預兵食，已去藩鎮之變；此皆防亂治本之政策也。

其失策處：若分封諸子於要地，皆擁重兵；以防外寇；遂貽骨肉之禍。大戮功臣，迨靖難兵起，遂無能平之者。大興文字之獄，足明暴虐之已極；皆所以啓亂之原也。

[64] 明太祖與漢高祖政策相似之點。

明太祖開國之政與漢高時代大同小異。雖非有意仿漢高，其大致殊相似也。茲舉其相同之政策有三：

1. 卽位之初，屢遷徙人民於各地，仿漢高徙六國後之法也。
2. 戒宋室之孤立，分封諸子於要地，爲國屏藩，其後藩王勢大爲患，與漢高大封同姓無異。
3. 大戮功臣，與漢高同。

[65] 試述明室骨肉之禍。

太祖懲宋室孤立而亡，乃分封諸子於要地；大建封號，爲國屏藩，得專制國中，擁重兵以防外寇。誰知諸藩跋扈，致貽骨肉之禍，斯則太祖之失策也。茲略述之：

1. 靖難之變。

封建制旣行，諸藩地大勢盛，漸驕橫。惠帝立，

慮之。遂與黃子澄、齊秦二人謀削藩，諸王多以罪廢死。燕王棣素善用兵，遂舉兵，以誅齊黃爲名；號其師曰「靖難」，帝大敗，燕王大舉南下，連下山東江淮，遂破揚州，燕兵渡江，帝遣使乞和，不成。棣犯京城。守將以城降。宮中火起，帝不知所終。燕王遂篡位，是爲成祖。大戮惠帝諸臣，株連甚衆；又大封其起兵之功臣。是爲「靖難之變」。

2. 高煦之難

漢王高煦者，宣宗之叔父也。靖難兵起，戰功最多。成祖嘉其類己，嘗欲立之。高煦亦頗自負，屢謀奪嫡。仁宗之正儲位，已存變心。迨宣宗立，高煦據地反，以誅夏原吉爲名。帝親征討平之，遂伏法，株戮甚多。是爲「明室骨肉之再禍」。

〔66〕明成祖之武功。

成祖時，元裔之在漠北者，稱韃靼可汗，帝屢遣書招諭，不從，遂征服之。移師征兀良哈，剪其羽翼而還。帝嘗親征瓦剌，降之。後復平安南，於是諸國皆內附。又欲揚威海外，遣中官鄭和，出使異域，所建功業極多。東至日本，西至拂菻，皆遣

使入貢。國威大振。

〔67〕明宣宗對付安南之失策。

先是，安南爲成祖所併，設府州縣及諸衛。蠻人自以非類相驚恐，變亂踵起。陳氏故官簡定，立故王族陳季擴爲帝，號大越，歷七年乃平。迨成祖末年，有黎利者，復起爲亂。宣宗命王通討之，敗績；通與黎利和，教利立陳暘爲陳氏後，遂棄交趾。無何，利表言暘死，陳氏絕，帝命利權署安南事。於是安南由中國版圖劃而爲藩屬。

〔68〕明代王守仁之學術若何？

程朱學說之末流，過於篤信謹守，弊在拘迂。王守仁出，泛濫於佛老，探本於孟子，乃擴充陸九淵之論學，以發展個性爲主，創「致良知」之說；以爲物理盡具於吾心，一反朱學拘迂之病。其說以爲所謂「良知」，所謂「物理」，是二而一；故主知行合一：知只是行的主意，行只是知的工夫；知之真切篤實處卽是行，行之明覺精察處卽是知。其重個性之實驗，實足以破除舊理學束縛個性之習弊。

〔69〕明代宦官跋扈之原因及其結果。

宦官跋扈，爲明亡之一大原因。究其跋扈之原

因，實起於明成祖爲之厲階。蓋太祖曾禁宦官預政，靖難兵起，內臣多逃附成祖，漏朝庭虛實，成祖德之。既卽位，凡出使專征監分鎮刺臣民隱事諸大權，多委任閹寺，太祖曾定制，中官不許讀書識字。成祖時，始令聽選教官，入內教習。於是中官通文墨，掌章奏，與外庭交結往來。由此宦官跋扈，遂致亂國。

英宗任宦官王振；而有土木之變，被擁北去。已而英宗還國。時景帝在位，尋病。石亨等與宦者曹吉祥謀迎英宗復辟；殺于謙等功臣，天下冤之。英宗卒，憲宗立，惑于太監汪直，命直領西廠，以刺外事。直屢興大獄，所至苛擾，民生大困。後孝宗卽位，諸人皆貶誅。武宗立，狎近羣小。宦官劉瑾，導帝爲諸不法事。帝朝夕處豹房，恣聲色，不理政事。適安化王寘鐸反，帝誅瑾，朝署爲清。武宗卒。世宗立。待近侍頗嚴，有罪者撻之至死，或陳尸示戒。又撤天下鎮守內臣，終四十餘年，不復設。故明代宦官之勢，惟此時少殺云。神宗末年，命中官領開鑛事，中使四出，橫索民財，無惡不作，萬民愁苦，激變屢起。及熹宗之世，宦官魏忠賢侵權，專恣無忌，引用羣小爲爪牙，勢極

驕橫，大戮東林黨人，閣勢日張。忠賢生詞遍天下。迨世宗即位，始誅忠賢。然宦官之禍雖解，而國事已不可爲矣。

〔70〕倭寇之起源及其結果。

日本自受元兵後，禁通商；明亦禁。奸民無藉，流爲海盜。又日本南北朝戰爭後，南朝亡，其遺臣多遁入海，遂爲中國朝鮮海患：是爲倭寇起源。當太祖時，沿海已苦倭；至世宗時尤猖獗。帝命朱執撫，浙，申嚴海禁，閩浙人多感不便，執以讒死，海禁復弛，而倭寇日熾；擾浙東西，江南北，沿海數百里，奔走告急。後胡宗憲誘誅通倭賊汪直；浙東漸平。倭寇攻江北及福建。先後爲李遂，戚繼光，俞大猷等所擊破，始遁去。然爲患已二十餘年矣。

〔71〕東林黨之起源及其政治運動之結果。

吏部員外郎顧憲成以推舉閣臣忤帝神宗意，削籍歸無錫，而名益高。乃與高攀龍等講學於東林書院，海內聞風景附，往往諷議時政，裁釐人物；朝士慕之，亦遙相應和。由是東林名大著，而忌者亦多。其後鄒元標趙南星等相繼講學，自負氣節，與政府相抗：是爲東林黨議之始。會東林黨

葉向高爲相，憲成素與李三才善，因貽書向高，薦三才廉直，忌者爭攻之，朝論喧然，廷臣中故有宣崑，齊，楚，浙諸黨派，各召朋徒，以攻東林，排除異己爲事。舉朝如水火，攻擊報復無已時，向高尋罷，帝益荒怠益甚；而三案之爭復起。爭三案者，爲東林黨；以三案爲不足爭者，爲非東林黨。時葉向高復相，痛斥敵黨，引用羣賢。敵黨力圖報復；因結權宦魏宗賢以排擊正士。忠賢以次罷斥之。由是東林黨人，先後誅殺，至爲慘酷。

(72) 試述三案之始末。

東林黨既與敵黨攻擊無已，神宗厭之，荒怠益甚，朝無正人，中外缺官多不補，而三案遂次第發生。三案者：(1) 梃擊案，(2) 紅丸案，(3) 移宮案。茲分述如下：

1 梃擊案。

神宗王妃生常洛，以年長立爲太子；而鄭妃以得帝寵故，朝臣曾請立其子常洵，比常洛已立，突有男子張差，特梃入太子宫，跡似行刺。中外藉藉疑鄭妃主使。鄭妃自乞哀於太子，乃戮張差以訖事，是爲梃擊案。

2 紅丸案。

常洛嗣帝位，是爲光宗。鄭妃進美姬於帝，帝惑之得疾，服太醫藥無效。閣臣方從哲，薦李可灼，進紅丸。未幾帝崩。是爲紅丸之案。

3 移宮案。

光宗寵選侍李氏，欲冊爲后，不果。選侍乘帝卒，據乾清宮，挾太子由校自重。御史左光斗，抗疏請選侍移宮；選侍不得已移居喊鸞宮。是爲移宮之案。

(73) 中西國際之起源。

當明季世局禁亂之時，而有一事，足促中國進化之機，啓世界將來大同之運者，厥爲中西國際，適於是時而起源。先是歐亞兩大陸，自漢唐以來，已啓相通之端緒。元代威揚歐土，明初通使西洋，漸臻進步。顧交通未盛，於國際上之關係尙微。迨明孝宗時，葡萄牙人發見印度航路，迤邐東來，略據馬刺甲等處。後六年，葡人拉斐爾伯斯德羅遂附航船入中國，是爲歐洲船舶內渡之始。至世宗嘉靖四十二年，葡人遂得租澳門爲商埠。

武宗時，有麥哲倫者，率艦隊自大西洋出南美，進達太平洋，至馬來羣島，是爲東亞西南航路開

通之始。

神宗三年，西班牙遣教士馬丁拉達內渡，求締約通商。是爲西班牙遣使入中國之始。

荷蘭與西班牙人競爭商務，厚集兵力，席捲馬來羣島，至排斥異國，恣其獨占，謀奪澳門；明與葡人併力逐之，乃據有台灣。

與荷人並來者，有英吉利人；當神宗時，與葡人戰爭，葡人不勝，遂許英艦出入澳門。思宗時，英兵艦至虎門，守者發礮擊之，激戰數時，礮台陷。

於是中國許英人通商。

(74) 明亡之原因。

明守山海關，清兵雖屢勝而不能進。流寇陷京師，明將吳三桂乞師於清以平亂；清遂入關，統治中國，故明之不支，實由內潰。推其內潰之原因，可約如下述：

1. 君權過重——明太祖鑒於宋元權相之弊，罷中書省，盡收政權於一身。顧君權過重；爲君主者往往不能有運用之能力，乃以便習之故，常寄耳目於宦官。於是宦官作禍，權臣竊柄，流毒全國矣。
2. 外患頻仍——先是明於北方，既以全力與

蒙古爭衡；中葉以後，苗，獠，猖獗於西南各省，東南沿海一帶，復苦倭寇肆擾。神宗時，中日朝鮮之戰起。計是役連兵凡七年之久，喪師糜費無算，財政爲之大匱。

3. 民生困擾——溯自朝鮮戰役之後，度支告匱，神宗本好聚斂，遂遣宦官四出開礦，於是窮鄉僻壤，無不搜括；中人之家，大半破產；萬民愁怨，激變屢起，所不顧焉。

4. 朝臣黨見過深——自顧憲成講學東林，隱負天下重望。朝論譁然，黨號東林，非之者則咸附於魏忠賢，兩不相讓；於是黨禍乃作。魏黨權重，大殺東林黨人，民心益去。且明制全國兵權，悉在中央，將師不得專兵；以故滿洲進逼，而邊臣受黨見之牽掣，且爲之犧牲焉；於是外患益亟，而明亡矣。

[75] 試述黨寇蹂躪之起末，及清兵入關之經過。

魏闖盛時，其黨四出搜括，民苦已甚。思宗之初，西北饑饉，流寇蜂起。延安張獻忠等自稱八大王；米脂李自成自爲闖將，肆擾十餘年，蹂躪數千里，殺戮至慘，河淮之間，往往千里之地，杳無人烟。崇禎十六年，獻忠據四川，自號大西國王。

自成自陝西席捲東下，直抵北京，帝自綏煤山。自成乃僭帝號；時吳三桂遂有請清兵入關之舉。初自成嘗掠吳三桂之愛姬；三桂恨之，乃請兵於清。清乘機派兵入關，與三桂共向燕京，討自成而破之。清世祖入北京，遂定為都城，遣三桂追自成；自成走湖廣，為鄉民所殺，獻忠尋亦為清兵所斬。流寇始平。然明祚亦於是告終矣。

清 史

[76] 清初之經營

當朝鮮為日本所攻，幾亡國；賴明援得全；以故朝鮮始終不貳明，與清抗。清太宗親率兵征服之；且取皮島。而內蒙諸部，亦漸次歸附，同時復經略東海，瓦爾喀大部服之。其西北有庫爾哈者亦為所平，他如東海小部：若諾羅路，若諾哲，若薩哈連路，若鄂倫春，亦皆先後歸附。兵威所及，直抵海中庫頁島，於是自黑龍江以南，圖們江以北，濱海部落，及其附近大小羣島，盡入清版圖。同時復征服索倫部。於是遼金以來散居東北境之鮮卑部落，悉統於滿洲。根本既固，乃得壹意從事於中原。

[77] 三藩之亂源及結果。

三藩者：平西王吳三桂，平南王尚可喜，靖南王耿精忠是也。其中以吳三桂爲最強，嘗萌異志。同時平南尚氏，靖南耿氏，均以驕暴聞，漸成崩裂之勢。聖祖久欲除之，而未得其便。會尚可喜請歸老，帝遂下撤藩令。三桂卽首先爲叛。自稱周王，舉兵反；耿精忠亦乘機起兵；尚可喜之子之信亦起兵相應；於是三藩之亂起矣。方三桂之起兵也，勢成破竹；又得耿精忠爲之助，所至輒破。未幾王輔臣之兵起，取漢中，應三桂，旋降清，於是三桂失陝甘之助，耿精忠所部分三路，皆見敗。不得已降清。於是三桂又失浙閩之助。尋尚之信復降清。三桂又失廣東之助。既失三大援，又與清兵戰大敗。疆土日蹙，財用耗竭。然猶獨抗清兵；慮見輕於四方，遂自稱帝。尋卒，於是部下皆引退。其後尚之信耿精忠亦先後受誅。計是役連兵凡九年，蔓延且十省。是爲清室代明後，人民所再罹慘烈之戰禍。

[73] 吳三桂失敗之原因。

1. 自鋤明裔，不能號召海內；
2. 觀望於川湖之間，不能乘勢並進；
3. 部將俱貪功滅義之徒，不能盡力助吳，

4. 自立爲帝，不足激勵將士；
5. 妄事勒索，使平南靖南二王離叛。

[79] 中俄黑龍江交涉之起源。

中俄交涉，爲我國與歐洲列國正式交涉之始。方清之經營黑龍江等地也，俄羅斯東向侵略，漸次征服西伯利亞；且越外興安嶺，達鄂霍海岸，與蒙人貿易焉。後清人經營中國，不暇兼顧東北；俄人因乘間侵略，築雅克薩城；復沿黑龍江而下，出松花江，侵入滿洲，數與中國兵相衝突。而中俄之交涉起矣。

[80] 何謂尼布楚條約？

方清俄之爭雅克薩也，俄以戰地距國都遠，應援不便，亟欲和。清聖祖亦不樂勞師徼外，乃定尼布楚條約，即我國交涉史上最榮譽之條約也。其要如下：

- 1 以外興安嶺爲界。外興安嶺以南之地屬中國，以北屬俄。
- 2 西以額爾古納河爲界。河南屬中國，河北屬俄。（餘略）

[81] 中俄喀爾喀之交涉。

喀爾喀之內附也，中國北境，與俄領西伯利亞之

交涉寔多。俄人要求重訂商約，並議蒙古與西伯利亞界。世宗乃遣使與俄定恰克圖條約。其要項爲：

- 1 以恰克圖爲兩國通商之地。以沙喇奈嶺之陽爲中國，以山之陰爲俄國。
- 2 以烏特河地方，爲兩國中立地。(餘略)

[82] 清康雍乾三朝，獎勵學術；而又大興文字獄，其故何在？

康雍乾三朝，爲清室極盛時代；聖祖世宗，高宗三帝，又皆專制雄主。箝制言論，束縛士林，靡所不至，都計前後焚禁書籍，亡慮千數百種；而文字之獄，亦尤特繁：就中若康熙朝之明史獄，南山集獄；雍正朝之試題獄，論史獄，文評獄，經註獄；乾隆朝之詩鈔獄，字書獄：皆三帝用以制服國民，鞏固帝業者也。是爲專制極端之進化，是時我國國民，則蝘伏於網羅機括之下，除詞章攷據外，不敢復有言論。及思想之自由。非惟人才發展爲之大絀，亦且爲吾民族之大恥辱也。

[83] 試述仁宗時教匪之亂原及其結果。

- 1 白蓮教之亂。

初白蓮教教首劉松以謀亂被捕，高宗責所司

窮緝，胥吏乘之爲奸，民間坐是破家亡命者，不可勝計。會征苗軍起，調兵轉餉，牽動七省，（兩湖，四川，雲，貴，兩廣等地），各地失業之民，乃作亂，於是桀黠者乘機號召，亂端遂作，白蓮教教徒，以官逼民反爲詞，揭竿蜂起，蔓延湖北，四川，河南，陝西，其勢頗張，勞師五六載，糜餉數千萬，迄未蕩平。迨仁宗之世，漸次平定。

2 天理教之亂。

海寇之肅清也，清廷未嘗改革稅政，於是天理教徒又倡亂，天理教本白蓮教之一支，遍布直隸，河南，山東等省，而以李文成，林清爲教首。林清內結宮禁，賄通內侍，外倚文成之援，復乘仁宗秋狩而作亂，事隙，文成下獄。黨徒譁變。迨仁宗回京，殺清及通謀者。更遣兵剿其徒黨。始無憂。

[84] 鴉片戰爭之因果。

英人以鴉片售入中國。清廷屢加嚴禁。令林則徐與英杜絕鴉片貿易。徐焚鴉片二萬餘箱。英人遣軍艦至奧門，見有備，乃分犯各省，定海見陷。清廷罷則徐，以琦善代之。琦善撤守備，英人又陷

虎門。美法商人出而調停。兩國定休戰議。既而英人以所得利益猶爲未足。又復遣師陷廈門，上海，鎮江，南京諸地。清廷不得已，與之議和，定南京條約，時道光廿二年事也。其要項如下：

- 1 中國償英軍費及鴉片賠償費共計二千一百萬元。
- 2 開廣州 廈門 福州 甯波 上海爲商埠。
- 3 中國割香港於英。

[85] 鴉片戰爭失敗之影響。

鴉片戰爭既失敗，其影響最大者如下：

- 1 清廷弱點既暴露於世界。法美各國均以利益均沾問題，援引締約，啓門戶開放之漸。
- 2 以關稅爲擔保，開外人干涉海關行政之始。
- 3 鴉片以洋藥之名，抽收關稅；於是吸之者愈衆。
- 4 有志之士，見清室外交失敗，起而謀政治之改革。
- 5 各地土豪乘機暴動。
- 6 因負擔諸賠款，而財政愈困。
- 7 嗣後各國商人來華貿易者愈多，致中國變爲各國商埠競爭之場。

8 開中國領土割據之始。

9 因廣州商約關係，英法同盟軍戰爭。

[86] 太平天國之起滅。

(一) 興起之因：——

1 清之種族之見太深，國人乃秘密結社，假宗教之力，號召羣衆，以事反抗。

2 基督教自入中國，信者日多。於是謀叛者，乃假基督之力以蓄其勢，

3 清政府自鴉片戰役後，軍政腐敗，內容盡露。

(二) 經過——廣東花縣人洪秀全，飾基督教宗旨，創上帝教，洪爲教主。自謂基督爲上帝長子。教旨主平等，信者頗衆。

(三) 太平天國之盛衰

秀全起兵於桂平；取貴縣，下永安；建國號曰太平天國，稱太平天王，以太平天國紀元。分封諸將。旋由兩湖，得江甯，卽以爲都，更名曰天京。置官，定朝議，開科分男女榜，禁販奴，畜妾，賣娼，及女子纏足。其軍亦大有可觀，太平勢雖日張，而內鬩忽起。曾國藩起兵湖南，太平勢衰。國藩圍江甯，城中糧盡，外無援

兵，秀全自縊死。太平天國遂亡。計此役騷擾遍十六省，爭持達十五年。

[87] 太平天國之影響。

1. 捻亂——捻黨本河南安徽奸民，組織黨徒，爲地方患。及太平軍陷南京，各捻乘機蠶起。運兵擾陝西，河南，湖北等地。李鴻章率淮軍剿平之。
2. 回亂——陝甘之回，嘗以細故與漢人啓釁。及太平軍之聯結捻黨擾陝西，回人遂蠶起，占領渭南一帶。及太平軍敗，清使左宗棠平定之。
3. 新疆獨立——當太平軍之起也，教罕人阿古柏帕夏建國於喀什噶爾，與英俄締約通商；且宣告獨立。左宗棠出師，先平天山北路。天山南路先後克服，至光緒十一年改爲新疆省。
4. 伊犁交涉——回事起，俄人遂進占伊犁，光緒八年，經曾紀澤之力爭，締新約於俄都，償俄九百萬盧布，而收回伊犁。
5. 重任漢人——清初皆用滿人治政。及太平軍起，皆賴漢人之力而收定亂之功。自是清政府重任漢人。

〔88〕英法聯軍之役。

(一)原因：——

英於江甯條約獲益實多。粵人獨阻英人入城。英遣領事至廣東，粵督葉名琛拒之。適有亞羅船入粵河，懸英旗而所載皆華人，葉獲十三人於獄，英人遂陷廣州；惟以未奉政府命復退。粵民乃暴動，焚法，美，英各國商館。英法聯軍於此起矣。

(二)經過：——

英法聯軍陷廣州；葉名琛被虜。聯軍遂由海道北向天津，陷大沽口砲台。清政府不得已，乃與訂天津條約，和局正成。我師又擊英船。英法聯軍又陷天津及北京，燒圓明園。文宗（咸豐）避熱河。

(三)結果：——

清廷與聯軍定北京條約。償英國銀一千二百萬兩，法國銀八百萬兩。於舊五口通商外增開牛莊，登州，台灣，潮州，瓊州，及天津。又割九龍與英，時咸豐十年也。

〔89〕天津條約之影響。

中國自南京條約成，外國始置領事，至此次天津

條約，更與外國以領事裁判權。訂約之初，不過謂各依其本國法律，審判治罪而已。繼而入外國籍之華人，亦由領事裁判矣。其始訴訟者，兩造中有一方爲外人，則引用之。繼乃租界中兩造皆爲華人，亦適用之。於是事涉租界，無復有中國法之餘地，此種破壞國家主權之領事裁判制，實天津條約使之然也。

[90]中俄交涉之經過。

英法天津之役，既得最美滿之條約。而俄則蓄望尤奢；我國前後所受之損害亦尤鉅。

(一) 尼布楚條約之大變改：——

自尼布楚定界後，俄屬西伯利亞，東嚮無通航海口。於咸豐八年與清重訂愛琿條約。舉黑龍江北岸地，悉讓於俄。我國又失數千里之地。

(二) 商埠之擴張：——

英法和議後，俄循英法例，另訂專約十二條；除兩國陸路准照以前所定條約通商外；海路若上海，雷波，福州，廈門，廣州，台灣，瓊州等七處亦得通商。於是俄國之通商事業，海陸兩方，皆獲大利。是爲中俄之天津條約。

(三) 遠東邊界之再發展：——

當英法同盟軍，陷北京時，俄人曾爲調人，乃亦與中國定北京條約十五條；舉烏蘇里江以東地悉讓於俄。俄人不損一兵，坐得九十萬三千方哩之地而去。

愛璉北京兩條約。我國所割棄之幅員，東西廣至四千餘里，南北長至二千餘里。俄人殫力經營。不惜巨費，虎視滿洲；由是東北之禍急矣。

[91] 試歷述晚清外藩之他關。

(1) 安南之喪失：

法人欲得安南，屢攻之。曾訂有法越條約，（時在光緒九年）：東京割於法，嗣後安南爲法之保護國。我國以此約有喪主權，遂與法宣戰。會法人有和戰兩派相爭，國事不定，乃與我國定法越天津條約；於是法國勢力乃由安南而侵入雲南矣。

(2) 緬甸之喪失：

緬甸亦中國藩屬，自英併印度，遂與緬甸接界。英緬之間，時有戰爭。中國以國內多故，不暇顧及。中法戰役時，英人又由印度進兵占領緬京。清廷抗議，英人許代緬入貢了事。自是

滇緬界務之交涉日繁。

(3) 暹羅之喪失：

暹羅亦中國之屬國，自太平軍後，不復朝貢。英法之分據緬越也，暹羅介居其間。湄公河流域，遂為兩國之角逐場。於光緒十九年，英法許其獨立，自是西南藩籬盡撤矣。

(4) 琉球之喪失：

日本改琉球為沖繩縣，我國與爭無効。時光緒五年事也。

(5) 朝鮮之喪失：

朝鮮有新黨舊黨之爭；新黨倚日本，我國助舊黨破新黨，日與我結中日天津條約：聲明以後兩國不得派兵；如不得已必互相照會。後朝鮮有東學黨之亂，乞助我國，日本與我國皆出兵，會黨亂平，日本以改革朝內政為辭，不肯撤兵；並擊沒我海軍，敗我陸軍。於是訂馬關條約，承認朝鮮為自主國，時在光緒二十一年。

[92] 中日戰爭（甲午之役）之起因及結果。

光緒二十年，朝鮮東學黨作亂；朝鮮王不能平，乞援於中國。中國遣兵平之，而日本亦以保商為

辭，發兵至朝鮮，會黨亂平。中國請日本撤兵。日本藉口改革朝鮮內政。不允；於是中日之戰起矣。我國海陸兩軍皆失利：日軍一面陷旅順；一面占威海衛；清廷大震，乃與日議和，訂馬關條約：公認朝鮮爲獨立國，割遼東半島及台灣，澎湖列島於日本，償軍費二萬萬兩以和，又開沙市、重慶、蘇州，杭州，長沙爲通商場。俄人反對，遂聯合德法兩國脅日本歸我遼東，日本不得已，將遼東仍歸還中國。

[93] 中日戰爭(甲午之役)之影響。

俄以脅回遼東之功，索地爲謝。清政府不能拒，乃許俄得東三省鐵路敷設權及礦山開採權；并得租膠洲灣爲軍港。於是德人借曹州殺德國教士事由，率軍艦入膠州灣，強租之，以九十九年爲期；并及膠州鐵路之建築權及礦山開採權。俄人以膠州灣既爲德所奪，則強租旅順大連灣，以二十五年爲期。英人亦藉口均勢，索租威海衛，租期如旅大。法亦以兵艦入廣州灣，強租之，以九十九年爲期。英見之，又藉口均勢，索租香港對岸地，期亦定九十九年。於是沿海要隘盡失，要皆甲午一役之影響也。

〔94〕戊戌之政變。

德宗以冲齡即位，孝欽后聽政。至光緒十六年，始歸政德宗；然政務仍操其手，國事日非。康有為等上書請改革政治。德宗然其說。於光緒二十四年戊戌下定國是詔；廢八股，開學堂，改兵制，立商會，汰冗員，廣言路；維新之詔，月數十下。孝欽后不悅，遂復臨朝訓政，急捕康梁等，且幽德宗於瀛台。康梁預得警信，一走香港，一走日本。於是前所下革新諸詔書，皆報罷。

〔95〕拳匪禍變（庚子之亂）之起因，經過及結果

（一）原因——庚子之亂，國力大受摧傷，遂為清室滅亡之本，其致亂原由，可分四項：

1. 自政變後，政策全更；且羣小並進。對內對外兩方，均起莫大之惡感。
2. 立端王載漪之子溥儀為大阿哥，以為太子，於是內部日臻危境。
3. 康梁逃海外，均受外國保護。清政府仇各國更深。
4. 鴉片役後，基督教勢力張大，教徒為禍，平民恨之刺骨。

（二）經過——基督教教徒既為禍，拳匪遂乘機

而起，標「扶清滅洋」之名以號召，蔓延於山東直隸一帶。孝欽后及載漪排外心切，獎爲義民，編爲義和團，匪勢於是大熾，所至焚教堂，殺教士，燬鐵路。日夜攻使館；日書記生，德公使俱被害。遂有八國聯軍；攻陷天津，孝欽與德宗出走西安。俄人乘機佔關東。聯軍入京，滅義和團。

- (三)結果——奕劻與李鴻章入京與各國開和議，乃定辛丑條約：(1)賠款四百五十兆兩。(2)各國得駐戍兵，衛護使館。(3)毀大沽砲台，懲辦罪魁。始無事。

[96] 日俄關東之戰。

(一)原因——方辛丑和約之開議也，俄獨異議，提出中俄種種之祕約，遂爲各國所抗議，俄人不得已改變其方針，於光緒二十八年，與政府結交還滿洲約。而仍無踐約之期。於是日俄衝突。關東問題，非復中俄間問題，而爲日俄間問題矣。日迫俄還我關東，俄不承認。於是日俄之戰起矣：此其近因也。至其遠因：實日本於還遼之舉，已銜俄特甚。

(二)結果——日俄既開戰，俄之太平洋艦隊，大

敗於旅順；波羅的海艦隊，被殲於對馬海峽，美出而調停，和議告成：俄人讓出南滿爲日本勢力範圍，以旅順大連兩要港租借權歸日本。

[97] 辛亥革命之起原及成功。

國人以國事日非，知專制之惡，乃要求立憲。孝欽雖應之，然無立憲誠意，故終不遂民望。孝欽卒。宣統立，以載灃爲攝政王。人民又要求組織責任內閣。載灃不允，人心大去。既而政府又厲行國有鐵路政策。鄂，湘，川，粵等省請暫緩收路，政府未允，各省代表被殺。民軍乃起義於武昌，黎元洪被舉爲大都督。清政府雖頒布憲法，實行立憲。然大事已去，挽回莫及。民軍得江甯，孫文被舉爲臨時大總統，未幾清廷退位：於是革命成功。

近世期之文藝

[98] 宋元明清文學趨勢之大概。

近世期文學上之趨勢，與前兩期大異者，卽自宋以後向所視爲文學正宗之詩詞故，其發展迥不如民衆文學之戲曲小說。茲略述其趨勢如下：

(1) 詩詞古文。

歐陽修，曾鞏，王安石及三蘇之古文，與唐之

韓柳稱爲八大家。詩有黃庭堅以下之江西詩派。詞爲宋代文學特色，其變卽爲元曲。而詩詞古文陡形衰落。明人之詩多摹唐，而古文則歸有光仍復於八家。清代則有桐城派古文，方苞，姚姬傳祖之。後分衍爲陽湖派，惲敬，張惠言歸之。詞多宗宋，詩亦不外唐宋兩派。

(2) 戲曲。

曲本爲詞之變態，宋已開其端，至元明清而大盛。元有南北曲之分：北曲以王實甫爲大家，南曲以高則誠爲大家。故戲曲實爲元代文學特色。明代則有湯顯祖之四夢，阮大鍼之燕子箋。清則有孔尚任之桃花扇，洪昇之長生殿。

(3) 小說。

小說之發達，亦近世期文學趨勢之產兒。宋之宣和遺事，爲章回小說之體。元有施乃庵之水滸。至是漢唐以來小說之面目盡變矣。清則有曹雪芹之紅樓夢，吳敬梓之儒林外史；尤開寫實小說之風。

【99】近世期八股之流毒。

自宋王安石以經義取士；元仁宗時，變更格式，遂爲八股文之濫觴。明中世後，法式愈嚴；體制

必須對偶，取題必限於四書五經，陳義須作古人口吻，限以一先生之說，無作者自抒己見之餘地。故專制帝王常持此以束縛士人之思想。其禍沿明以至於清，影響於學術之荒落者甚鉅。

[100] 清代王學之反響。

明之季世，王學極盛；然其末流，極爲世所病。一時學者思有以正之。王夫之陸隴其排斥王學至力。顧炎武病理學之空談，欲易之以通經致用。其治學方法：重自得，貴博證，求實用。致力於聲音訓詁之學。黃宗羲主博治經史以致用。顏元主實用主義。故教人必習六藝，而躬行實踐之。故清時王學已無存在之地位；朱學已成強弩之末。


[101] 清代史學之特盛及其影響。

黃宗羲著明儒學案實爲中國學術史之創作。萬斯同大光其學。其後章學誠出，宗孔子「取義」之旨，以通古今之變爲主，實爲史學上一大貢獻。崔適之考信錄，注重客觀，尤合科學精神。黃氏萬氏皆生於浙東，浙東之學自呂祖謙以來，故重文獻；明清之際，浙東受禍亦甚烈；故傳其學者，如全祖望等，遂傳布明之遺事，以激起士大夫故國之思，種族之見。而莊廷鑑呂留良等之著

作，尤爲指斥不諱，遂以成文字之獄。此其風至清末章炳麟等而益盛，與歐美輸入之民生思想合流，遂以促清之亡云。



中學考試秘本



已出三版

第二編 世界史

第一章 上古史

(1) 世界人種以何種與世界史最有關係？試略言其大要，並列表以明之。

[解] 世界人種分類，亦各不同；而與史最有關係者，厥為黃白兩種。列表如下：

史的人種：

I, 黃種

A, 南方系統：

- a, 漢民族。
- b, 交趾支那民族。
- c, 西藏民族。

B, 準北方系統：

- a, 大和民族。
- b, 朝鮮民族。

C, 北方系統：

- a, 通古斯族。
- b, 蒙古族。
- c, 突厥族。

II. 白種

A, 含族 Hamitic Race

a, 埃及人 Egyptians

B, 閃族 Semite Race

a, 巴比倫人 Babyloniansb, 亞述人 Assyriansc, 敘里亞人 Syriansd, 腓尼基人 Phoenicianse, 迦南人 Canaansf, 希伯來人 Hebrewsg, 阿剌伯人 ArabinasC, 雅利安族 Aryansa, 在亞洲者。1, 印度人 Indians2, 米太人 Medians3, 波斯人 Persiansb, 在歐洲者。1, 希臘人 Hellas2, 羅馬人 Romans3, 克勒特人 Celts(a) 高盧人 Gauls

(b) 皮克特人 Picts

(c) 蘇格蘭人 Scotts

(d) 愛爾蘭人 Irish

4, 條頓人 Teutones

(a) 德意志人 Deutsche

(b) 英格蘭人 English

(c) 荷蘭人 Holland

(d) 丹麥人 Danish

(e) 斯干底納維亞人 Scandinavians

5, 斯拉夫人 Slavs

(a) 俄羅斯人 Russians

(b) 波羅人 Polish

(c) 波希米人 Bohemians

(d) 巴爾幹人 Balkans

[2] 試略述古代東方諸國之起源及文化之特點。

〔解〕 1, 埃及 Egypt——位於非洲東北部。

國體歷代均行獨裁制，王爲神聖民分僧侶，武士，平民三級；各不相往來。奉多神教，又信靈魂不滅，故工殮尸之術；人死，塗以油，名木乃伊 Mummy，能令肉體久而不腐，文用象形字。國人工醫術歷法創太陽歷以記時日。藝

術亦甚可觀，精建築與石刻，如金字塔，方尖塔，獅身人面像等均名聞於世。

- 2, 巴比倫 Babylonia 及 亞述 Assyria. 巴比倫 及 亞述，均位於亞洲西南部，古文明國；前巴比倫建國於前三千八百年頃，都巴比倫 Babylon；至前千三百年，爲亞述所滅。其後亞述於前六百零六年爲其大臣尼布薩 Nebuchadnezzar 與米太 Media 王所滅，是爲後巴比倫；迨至前五百三十八年，爲波斯 Persia 所滅。

兩國政體，略同埃及，國民分貴族商工農漁人等五級。拜天象最重太陽，故占星學大興，文用楔形字，藝術雖不如埃及亦頗有可觀者。精算術，爲後世所稱爲文明源藪焉。

- 3, 希伯來 Hebrew 一位於地中海東岸之巴勒斯坦 Palestine，前二千年頃，建國於此，後迫於饑寒，遷埃及，歷數百年，苦其虐待；大哲摩 Moses 復率衆返巴勒斯坦，重建國家，時前千三百頃也。其始土師執政，後行王制。其民奉一神教。關於宗教，國故，戲文，史詩，及名人列傳之書甚夥，故文學略有可觀，若藝術則甚拙，殆以其不拜偶像歟。

4, 腓尼基 Phoenicia——位於希伯來之北，西亞濱海之區；於前二千年頃，國於此；各戴君長行自由市府制；對外則頗能聯合一致，而以西頓 Sidon 推羅 Tyre 兩市爲最盛。

其民精航海貿易。地中海沿岸足跡殆遍；嘗遠至英吉利海岸，更編商隊，與西亞諸文明國通商；文化之傳播，賴之甚多。

發明音標字母；厥後一傳至希臘，而變爲希臘文；再傳至羅馬，成拉丁文；爲歐洲諸國文字之基。信拜日教。以通商故，殖民於各地，開歐洲殖民政策之基。工業以染料爲最著。

5, 波斯 Persia——位於伊蘭 Iran 高原之南部。其先爲米太之屬國，其後居魯士 Cyrus 王滅米太而併其地，建都蘇撒 Susa 後復滅呂底亞 Lydia 巴比倫及小亞細亞 Asia Minor 之希臘殖民地；東併巴克特里亞 Bactria，開乃波斯帝國之基。

其民信預羅斯德教 Zoroaster，謂世界有善惡二神，人當助善去惡；廟中晝夜燃火，故又名火教。文用楔形字，其古文學皆宗教書。藝術與巴比倫相仿。

6, 印度India——在喜馬拉雅 Himalaya mts.及興都庫什 Hindu-Kush Mts.兩山脈之南，即漢時所謂天竺，身毒者是也。恆河及印度兩河貫其中，故亦為文明古國。人民屬雅利安族，於前三千年頃徙入其地；征服土人以殿國基。創婆羅門教，專講階級，分為四等：一曰婆羅門，即祭司，司祀神及教育諸事，二曰刹帝利，即貴族，國王官吏士卒皆屬；三曰吠舍，即平民，農工商及牧畜者屬之；四曰首陀，即奴隸，以被征服之士人屬之。立摩拏法典專以尊己族壓小民為宗旨，故惹起社會之反動；而釋迦牟尼佛 Sakyamiuni遂應運而生矣。釋迦牟尼者迦比羅 Kapilavastu 王淨飯之太子，初亦信婆羅門教；後感於生老病死之苦，而生厭世主義，逃入山中，時年始十九歲也。訪諸仙，皆不合其旨；因苦修數年，霍然大悟成最正覺，遂出傳教，反對階級主義；號為佛教。迨其卒後，其弟子五百人，大會於摩揭陀國 Magodha之王舍城 Rajazriha，纂修經典；邇後佛教遂大興於恆河流域矣。

〔3〕設述印度佛教之起源及其發展之理由。

〔解〕 佛教之起也；起於釋迦牟尼佛；而釋迦牟尼者迦比羅王淨飯之太子也。初亦信婆羅門教；後屢出遊，見生老病死之苦，人人不能脫離，遂生厭世主義遁入深山遍訪諸仙，悉不合情；因苦修數年，於是霍然大悟，成最正覺。時印度人民方苦婆羅門教之壓迫；摩拏法典之專制；而釋迦牟尼，乃乘時崛起，倡平等主義，反對婆羅門教之階級主義；民心嚮之，猶水之就下焉；故其發展之速有不可思議者也。

〔4〕希臘文明發達之原因。

〔解〕 希臘位於巴爾幹半島之南；以山水明秀，故人民聰慧，富於思想；以海灣曲折，故航海殖民，諸多進取；——所以文明發達。

〔5〕略試斯達雅典政教之異點。

〔解〕 斯巴達；雅典政教之異點有七：

1. { 斯於比羅奔尼蘇之役後，實行君主制；
 雅於提洛同盟實行民主制。

2. { 斯人民性粗暴；
 雅人民性文雅。

3. { 斯重農輕商；
 雅重商輕農。

4. { 斯對於國取放任主義；
 雅對於國取干涉主義。

5. { 斯定階級之制極嚴，各級不得互相通婚；
 雅無階級之制，舉凡人民，視同一仁。

6. { 斯之教育，專以養成尙武精神，愛國思想爲
 目的；
 雅之教育，專以養成高尚道德，文雅風氣爲
 宗旨。

7. { 斯對於婚姻方面，取監督態度；
 雅對於婚姻方面，取自由態度。

[6] 波希戰爭之起因及其經過，試略言之。

[解] 起因——小亞細亞爲波斯屬地，波斯虐待之，民不能堪；於是米利都等市謀獨立，恐力不足，乞援於雅典。雅典發兵往救，遂同爲波斯所敗；波斯深恨之，遂決意伐雅典；是爲波希戰爭之近因。然遠因固在波斯王達利阿

之欲擴張土地於歐洲也。

經過：——

- a. 第一戰役——前492年，達利阿發水陸軍攻希，海行遇颶，艦覆而歸。
- b. 第二戰役——越二年，又發大軍，登亞的加 Attica。與雅典戰於馬來遜山野，波斯兵以地理不熟敗還，達理阿氣殞。
- c. 第三戰役——其子薛西斯 Xerxes率大軍百餘萬，戰艦千餘，分道攻希臘。北部諸國，望風而降；中南諸國，相繼被陷。波軍長驅直入，焚掠雅典；又南行至薩拉米島，爲雅典大將米西斯所敗，兵艦盡覆；自是不敢西窺，時前477年也。

〔7〕試略述斯巴達，雅典，底比斯霸業之比較。

〔解〕斯巴達之霸也在陸軍，雅典之霸也在海軍；斯藉與國之忠，雅藉與國之財；故能橫行海陸，歷年較久。若底比斯之地不過百里，民不過百萬，而所以霸者，徒以有伯樂丕達，Pelopidas 伊巴農 Epaminonds 二人耳。人存政舉，人亡政息，二人既死，霸業頓衰矣。

〔8〕馬其頓之興，及亞歷山大之偉業。試概言之。

〔解〕 馬其頓本為希臘北方之小國。底比斯衰，馬其頓乃於前 338 年戰敗雅典，底比斯聯軍，希臘遂全為馬其頓所有。

亞歷山大，馬其頓王腓力之太子也。二十歲踐位。先定國亂，後滅腓尼基，埃及，波斯及西印度諸邦。築亞歷山大城於尼羅河口。以巴比倫為國都。令通婚嫁以平種族之界。復廣建市府，興築國道，以便貿易，又極力傳播希臘文化。於前 323 年，以熱病卒。

〔9〕羅馬之起興及政教特點，試略言之。

〔解〕 羅馬建於前 753 年，首王羅慕路，厥後六王相承，羅馬大興。至前 509 年，大吉利斯王無道，被民逐出，政改民主。當時貴族獨攬大權，平民無參政之權利，而負從軍之義務。後制定羅馬法典，為歐洲各國民刑法之本。教育有二特色：

1. 教育精神，重在實用道德之修養。
2. 家庭教育，足為模範者甚多。

〔10〕羅馬法之起源，試略述之。

〔解〕 羅馬初制，甚為苛暴，平民不堪。於是有貴族平民之爭。紀元前 494 年，平民敗敵後，持

功據聖山叛；貴族不得已，許平民設保民官，以護民權。至前451年，有人自希臘留學歸國，遂立法官，制定法典，期年法成。鑄十二銅板，懸示於衆，是爲羅馬法之起源。

[11] 試述羅馬之統一意大利之經過。

[解] 新法既頒，民權始張，國中事業，亦漸發達。前340年，與東部之遜尼人開釁，大戰三次，前後歷五十年，卒征服之；意大利中部，遂完全統一。

南部大希臘中以他林敦市爲最盛；羅馬借端伐之，相繼降，而意大利遂完全統一，時前272年也。

[12] 布匿戰爭之因果，試詳言之。

[解] 原因—羅馬既統一意大利，更欲拓地海外，是爲遠因：意人據西西里之墨西拿城。敘拉古人伐之，彼等知不能敵，乞援於羅馬政府；而迦太基亦出兵援敘拉古，戰端遂起，此爲近因。（布匿 Punic 者，羅馬語迦太基之謂也）。

經過及其結果：

第一役：——起於前264年；交戰於西西里，羅馬長於陸軍連戰皆勝；以無海軍，不獲追

敵；會得迦太基二艦，因仿造之，復以運用不靈，兩戰均殲焉。最後戰於亞加的Agates大破敵軍，力屈屈請和西西里遂歸羅馬。乘勝北返，擊退高盧人拓地至波 Po 河流域。會迦太基兵以索餉作，亂羅馬乘之，取丁及科西加兩島。

第二役：——迦太基既失三島，乃遣大將哈米克 Hamilear Barca經營西班牙 Spai 以償其失，哈教練有方，數年地大拓殖，誓復羅馬之仇。其子漢尼拔 Hannibal繼之，志不懈前218年率大軍十萬，發西班牙過高盧及阿爾斯山，跋涉險阻，僅餘兩萬；然漢尼拔用兵如神，所向無敵，北部諸地均望風降。以都城有備，不能下，遂率兵南下。羅馬軍以其孤軍深入，堅壁請壘以老之。漢乃召其弟來援；途爲羅馬大將所殺，以致西班牙又爲羅馬將西庇阿 Cernelius Scipio 所奪，復窺迦太基，漢於是歸；與西戰於撒馬, Zama 大敗；割西班牙以求和，並不得羅馬允許不能與外開戰。此役也羅馬雖獲勝，然北部倫巴地平原爲迦太基蹂躪甚矣，農業於是

大受損失。

第三役：——先是迦太基於第二戰後，元氣不久即復，富盛如前，羅馬忌之而不得其隙。會迦太基與鄰邦努米底亞，Numidia以境界問題開戰；羅馬遂遣小西比阿 Publius, Scipio Amilianus 責其背約之罪。市民無男女老幼均執戈以守，三年始克破之，夷為平地，時前146年也。

(13) 羅馬黨爭之經過試略述之。

〔解〕 羅馬既握霸業，國富民樂，而豪侈之弊以起，致生貧富階級之爭。

1. 二傑之禍——馬略 Marius黨於平民，蘇臘 Sulla黨於貴族；會羅馬欲征本都，二人爭帥位，蘇臘得勝，馬略逃於非洲，迨其東征既行，馬略復潛歸，大殺蘇臘黨人，蘇臘歸，亦大殺馬略黨人。

2. 前三雄之爭——龐培雄於功，愷撒雄於謀，革拉蘇雄於財，故謂之三雄。龐培留中央，革拉蘇出為叙里亞總督，愷撒出為高盧總督，已而革拉蘇死於軍次。龐培忌愷撒威名。奪其印綬，愷撒率兵入都，龐培東奔，走

死埃及，時前48年也。後愷撒爲敵黨所忌，被刺死。

3. 後三雄之爭——愷撒既死，其子屋大維與部將安敦，雷必達三分領土。時人稱爲後三雄。已而屋大維與雷必達不和，奪其分地；於是屋大維領其西，安敦領其東。後安敦爲屋大維所攻，自縊死。羅馬復統一，時前29年也。

[14] 試述愷撒之偉略。

[解] 愷撒滅龐培後，文武大權，悉在掌握；勵精圖治，不遺餘力，注意民生，獎勵學術，修正埃及之太陽歷，定法律，建圖書館，國內大治；然爲敵黨所忌，前44年被刺於議院。

[15] 試述奧古斯都之偉略。

[解] 屋大維既統一羅馬，軍政大權，集於一身，遂被尊爲奧古斯都，Augustus(卽神聖之意)實行帝政。帝獎勵文學，詩史均有著者，故史家稱爲文學黃金時代。並築城於才因河及多瑙河邊，以防蠻族；不輕用兵，與民休息，國內稱治。

[16] 東西羅馬之分。

〔解〕 紀元96年至180年之間，賢君輩出，稱爲帝政黃金時代。厥後帝位紛爭，內亂瀕起，黃金時代之遺政，掃地以盡！迄紀元285年，戴克里先爲帝，內政雖振，而分置副王，四分帝國；又種分裂之根。330年，君士坦丁帝統一羅馬。帝沒後，分合無定，至395年，羅馬分爲東西。

〔17〕日耳曼族遷徙及西羅馬之亡。

〔解〕 西哥德族因受逼於匈奴族，得羅馬帝之允許而遷居境內，東哥德人亦懼匈奴之威來歸。後萬達人南入西班牙達非洲建萬達王國。455年，廿王幼刀克西忽率衆入意大利，掠羅馬，滿載而去。數百年繁富之區，荒涼滿目；西羅馬帝國，自是更不振；又備日耳曼人爲兵，大權旁落。476年，鄂多瓦爲日耳曼大將，遂永廢西帝，自立爲意大利王，而西羅馬遂亡。

〔18〕希臘文化概況及其特點。

〔解〕 希臘族人，性甚聰慧，富於文學思想，故其文化運動，亦頗盡力。茲將其文化概況及其特點，約述於下：——

1. 希臘宗教爲希臘文化之源泉。教旨非厭世主義

2. 文學以和曼所著之史詩爲研究希臘古史所依歸。又伊士奇，索福克及幼理庇得等之悲劇，亞理斯多芬之喜劇，各盡其妙。史家則有希羅多德之波斯戰記，圖克諦之比羅奔尼蘇戰史，均爲後世模範。
3. 希臘哲學，能脫離迷信，精求道理，上新千古哲學之面目，下開近世哲學之基礎。賽理斯氏希臘哲學之始祖。能預和日月食，謂天地萬物均生於水。畢達哥拉知地球繞日。蘇格拉底主張知行合一。弟子柏拉圖，謂道德之根厥爲善。亞理斯多德繼之，研究史進。更旁及政治，科學，最有聲譽。
4. 藝術以休西，巴哈休等二人，工畫酷肖真物。雕刻以斐底亞所造之神像爲最有名。建築分三式：
- (1) 愛奧尼式，最雅緻。
 - (2) 多利亞式，最莊嚴。
 - (3) 科林斯式，最華麗。

第二章 中古史

(19) 印度孔雀王朝之起及其時佛教概況。

〔解〕 初亞歷山大攻印度時，有中部摩揭陀國

難陀王朝之臣，名旃陀羅者，私通大王為內應；及大王崩，旃歸印度，逐馬其頓守兵，建立孔雀王朝。統一中北西三印度，國內大治。及阿育王立，深信佛教，定為國教。以佛教主義徧諭國民；又分遣高僧，傳教於外國；於是西至巴克特里亞，敍里亞，希臘，南至獅子國，皆宗佛教。

[20] 大月氏與佛教之關係。

[解] 自來文化之傳播，多以兵力為引導，印人重文輕武，對內有創造文化之能力；對外無傳佈文化之勢力。而藉以為傳播之資者，皆賴大月氏人。大月氏尊崇佛教，保護佛教，且為傳佈於南北各地，故佛教之興盛至今不衰者，大月氏人與有力焉；

[21] 東羅馬查士丁尼大帝之偉略。

[解] 西羅馬亡後，東羅馬僅苟延殘喘而已。惟查士丁尼大帝時，內政外攘，均有可觀。帝即位於紀元527年，銳意圖治，編纂法典，集羅馬法之大成；又嚴逐耶穌教之異派，以統一宗教；又自印度間接輸入中國之養蠶法，是為西洋養蠶之始。滅萬達，平哥德，又進服西班牙

之東南部，國威大張

〔22〕回教之起及其興盛之理由。

〔解〕 阿刺伯半島舊信多神教，崇拜天體，及偶像。穆罕默德始出而創新教；參酌猶太及基督教義，而別立一信仰唯一真神之伊斯蘭教，而回教起矣。他教始祖多道德家，而回教則為大英雄；他教皆以仁愛傳，獨回教則崇武力；其所以屈服他族，能建立一大帝國者亦以此。

〔23〕耶穌基督創教及教皇起源。

〔解〕 耶穌基督初亦信猶太教，及長，見世風卑污，思救衆生；乃創新教，以博愛為旨。後舊教人忌之，釘死於十字架。十二門徒傳教，行共產制；後信徒漸衆，遂有僧俗之分，僧職亦有監督，教長，大教長之別。羅馬城之大教長，歷任均公正廉明；且屢救民於危難，故得衆望，遂一躍而為教皇；是為教皇之起源。

〔24〕希臘教與羅馬教之分立。

〔解〕 希臘人與羅馬人意見不和，夙相仇視。自羅馬分裂後，希臘人為謀報復起見，事事與羅馬抗，故中世紀初，教會亦以分持，基督教旨，因有歧異。羅馬東帝，曾令禁止崇拜偶像，教

皇額我略第二不從；於是東西教會，自此分裂，西稱羅馬教，東爲希臘教。

〔25〕夏理曼之偉略。

〔解〕 中世紀之有夏理曼，亦如上古之有愷撒，近世之有拿破崙，一舉一動，即可左右全歐。生平武功最盛，在位四十六年，用兵五十二次，半皆自將，所向有功；阿華，巴威路，斯拉夫，及薩克森等族人，莫不服從。其領地西至大西洋，東至易北河及多腦河，北至今之丹麥，南至西班牙及教皇領地，建中世紀第一歐洲大帝國。夏理曼又長於爲政，分國境爲國，郡；邊境，要害，四種；國置國司，郡置郡守，邊境置邊將，要害置監督；每歲遣欽差巡行各地，考察政治；又設學校，興文化，獎勵農工，百廢俱興，國內大治。

〔26〕德意法之起源。

〔解〕 夏理曼崩，子路易暗弱；歿後有子三人，國遂三分。長子洛提得帝國中部及意大利，爲後日意大利之前身；次子路易，得東部，境內操日耳曼語，爲後日德意志之前身；三子查理，得西部，境內操拉丁語，爲後日法蘭西前

身。

[27] 諾曼人轉徙之因果。

[解] 諾曼人原住於斯堪的納維亞半島，日爾曼後起之民族也。紀元八百年頃，建立瑞典，那威，及丹麥諸國；然俗近蠻夷，嘗爲海寇，到處侵略，是爲轉徙之起因。諾曼族侵西法蘭，得他，受封爲公爵，九百年頃，諾曼之丹人侵入英吉利，得其東部。後併英吉利，兼爲丹麥，瑞典，及那威之王。於紀元八百六十二年，征服斯拉夫，建俄羅斯國，於1130年，入意大利南部，逐回教徒，併西西里而建那不勒王國。該族又航海，發見冰洲及格林蘭兩島，進至北美；殖民其地。

[28] 羅馬帝國之起源。

[解] 自紀元911年喀羅林朝統復，德意志變爲選王製，紀元936年，鄂圖 Otto被選內壓諸侯之放恣，外平馬加人 Magars之寇掠威勢大振。又娶意王洛提之寡婦因併意大利；紀元963年，受皇冠於教皇約翰 John十二，稱爲神聖羅馬皇帝，羅馬帝國自此始。

[29] 教皇皇帝之爭。

〔解〕 教皇於中世紀時受不平之傾地，已立基礎；復以本身傳教上，得人民之信仰與服從心，故其威權勢力，日漸擴張，屢思以教權干政；然自鄂圖以來，神聖羅馬皇帝，皆有力此，故始而各養勢力，繼乃大起爭端。先是教皇額我略第七於紀元1073年下令，凡教中人，但許為教皇封臣，違者破門。皇帝Henry 第四怒免其職；教皇亦處以破門罪，又運動德意志民叛；帝大窘，親至堪諾撒 Canossa 離宮謝罪，立雪中三日，始獲已事。帝懷恨，於紀元1081年，伐意大利逐教皇額我略第七，走那不勒斯，憂憤歿。嗣位教皇，氣不少沮，仍處帝以破門罪，誘帝子叛，帝憂憤亦歿，時紀元1106年也。

亨利第五嗣位，於紀元1122年與教皇額利圖 Calixtus 第二，和於窩牧， Worms 約定僧職任命權，仍歸教皇，而受封土之教士，則對皇帝負盡忠之義務，一時事乃已。然仍常紛爭，教皇多占優勝；至紀元十三世紀祀葉，為教權極盛時代。

〔30〕十字軍之起因及其影響。

〔解〕 十字軍共有七役，前後二百餘年，血淚風腥，死傷百萬，始後聖地，就表面觀之，固因耶回異教，然此外尚有數端焉。就遠因而論，可分四端：

- (1) 爲冒險精神驅使，
- (2) 爲殖民地之企圖，
- (3) 爲迷信謠言，
- (4) 爲恢復聖地。就近因而論，因東帝國苦突厥之擾，祈援於教皇，而十字軍遂起，時1095年也。

十字軍雖無直接效果，然間接利益頗多，總計大者，約有五端：

- (1) 發明各種軍事用具，此其有益於軍事者。
- (2) 通東西洋之商業，輸傳文明農產於歐洲，此其有益於農商文化者。
- (3) 封建制度衰頹，財產收歸國有，此其有益於政治者。
- (4) 阻突厥人之寇掠，此其有益於民生者。
- (5) 開後日歐人發見新地之基礎，此其有益於地理者。

〔31〕蒙古西征之經過及其影響。

〔解〕 蒙古成吉思汗起於中亞，天山南北之地，皆入版圖，後花賴子模官吏殺其國人，怒而西征；滅之，遂建察合台汗國，復南侵印度，北征俄羅斯，太宗窩闊台繼之，陷俄之莫斯科；更西侵波蘭及馬加兩國。以征服地，建欽察汗國。至憲宗立，復從事西征，平裏海以南之回徒，入東薩拉森都城；更由敘里亞伐埃及；建伊兒汗國，時紀元1259年也。

蒙古西征，前後四十餘年，建空前未有之大帝國，在政治史上，關係莫大，然於文明史上，則毫無價值。蒙古民族，本無文化，征服他族，又不知取長補短；所經之地，盡成荒涼之野，無怪乎所建諸國，不能傳諸久遠也。

〔32〕百年戰爭之因果。

〔解〕 英法百年戰爭，原因複雜，大別之，約分四端：

- (1) 以腓力奧古斯都之遠征，交惡於前；又以辭埃得渥第三之王法，結怨於後。
- (2) 英人久欲格尼，法人力爭。
- (3) 法嘗助蘇格蘭王大衛不魯西反抗英，英

深恨之。

(4) 英王愛得華第三欲兼王法國，直接開戰。故兩國戰事，如水益深，如火益熱，兵連禍結者，百有餘年！其結果：英在法屬地，悉被收沒，法國獲利頗厚。嗣後王位鞏固，中央集權，漸形發達，其利一。人民對於國家，觀念日重，其利二。至勞民傷財，則兩國皆同，不得專爲法害也。

[33] 鐵木耳偉業及土耳其之興。

[解] 鐵木兒者，故蒙古疏族。幼有大志，嘗欲涉成吉思汗之迹，以混一字內。十四世紀中葉時，據察合台西部稱帝，已而復併東部。繼於末葉，復滅伊兒汗國，西侵欽察汗國；復南攻印度，破特里諸大城。紀元1402年，與突厥別部之鄂托曼大戰，破之。既定四方，將大舉伐明，以復舊業，會殞於道，不果。鄂托曼子歐汗卽位時，全有小亞細亞，制定憲法，振飭武備，國勢大振。及拜牙卽立，征服巴爾韓半島，北部大半及愛琴海各島，旋大破匈牙利，進逼東羅馬帝國，尋爲鐵木兒所殺。鐵木兒卒，土耳其勢力復振，後陷東羅馬，遂都

君士坦丁。〔34〕新航路與新大陸之發現。

〔解〕(A) 航海發見原因，可分爲三：

一曰地理知識之發達，卽十字軍後，東西貿易頻繁，歐人皆知亞洲廣大，欲通中國及印度；後有威內薩人馬哥孛羅，仕元庭，歸著東方見聞錄，更道其富；於是人心益動。

二曰東洋交通之阻礙，歐人雖欲東通東亞，然有回教徒割據西亞，不令通行，故有航海別求新路之意。

三曰磁針之應用，欲航海而茫無所往，會磁針自中國傳入歐洲，遂利之以知航路之方向，而航業乃大發達。

(B) 新航路之發現。

1486年葡萄牙人地亞士航達好望角，因遇暴風而歸。1497年達迦瑪遂航非洲而達印度。

(C) 新大陸之發現。

1492年西班牙得哥倫布航海家，航達西印度羣島，又過大西洋至南美之荷勒諾哥口與北美之閩都拉斯。

〔35〕文藝復興前歐洲社會之概況。

〔解〕文藝復興以前，中世文明，除社會制度外，無可述者。茲將當時歐洲社會概況，略述之如下：

1. 封建——其制：以封地大小，亦有公，侯，伯，子，男，之分。封臣對於封主，有盡忠服役之務；封主對封臣，有撫恤保護之責。
2. 騎士——凡騎士均以忠節，任俠，重教旨，保護教會，尊敬婦女為天職。
3. 教會——凡學校，公共衛生，醫院等公益事業，均為教會所設。教會僧侶之富，往往擬於王侯。
4. 僧社——純以救苦難，脫塵世為宗旨。
5. 商團——十字軍後，東西商業盛行；然道途遙遠，往往被劫，故各商業大邑，互相聯絡，成一自治團體，築城養兵以自衛；凡各通行大道，均駐守備以便保護商旅，當時以漢撒，來因兩同盟為最著，儼然國家矣。

〔36〕文藝復興時之學術概況。

〔解〕文藝復興，始於十三世紀，盛於十五世紀；脫昔日宗教束縛，漸趨於思想自思，謂為近世科學昌明之基礎，亦無不可。中世自日

耳曼人擾亂歐洲，文化無善可稱。基督教興，人皆抱厭世主義，研究學術者，幾無其人。及十字軍後，回教文明輸入西洋各國，漸有搜野求奇之意；而意大利之復古學派應時而起，實開文藝復興之基。茲將當時之學術概況，約述如下：——

1. 文學——以意大利之丹第 庇得拉克，及布格西為三大家。
2. 藝術——基奧及彌啓蘭之建築，雕刻，繪畫；里奧那刀及拉斐爾之繪畫，均極著名。
3. 科學——德人約翰哥丁創活字木版；後有法士脫及普弗爾之研究，遂有鉛字；而同時用麻布或棉絮造紙之法，亦發明。

第三章 近古史

(37) 宗教改革之起因及肇端。

〔解〕 宗教改革，原因有四：

1. 由於文藝復興，學者不再拘於宗教教義。
 2. 由於教會自身之腐敗。
 3. 由於各國王侯之厭恨。
 4. 由於經濟，社會，政治諸方面之不滿意。
- 紀元1513年，教皇利奧第十，濫售贖罪符。

德人有馬丁路德，夙抱改革之志；至是乃致書各同志，大行反對，復以拉丁文著論九十五條，揭於教會門首。教皇怒，處路德以破門罪；路德焚其令狀，宗教改革，自是起矣。

[38] 大陸諸國之改教及耶穌社之起。

[解] 當馬丁路德大倡改革於德意志時，瑞士之薩文黎，法蘭西之喀爾文，同時響應，大行改革；既而丹麥，瑞典，挪威諸北歐等國，均遵行之；故新教之行，較發源諸地尤速，諸國既改革宗教，而舊教徒反抗日盛。時有西班牙人羅耀拉與法蘭西人撒威謀宗舊教。結耶穌社，以鍊精神能忍耐爲宗旨；又赴海外布教，足跡殆遍天下。

[39] 英法之宗教改革。

[解] 英宗教改革，始於英王亨利第八，繼於愛德華第六，而盛行於女王依利薩伯。法宗教改革，雖未成功；然至十六世紀中葉，有呼格諾派新教起，其勢甚盛。惟新舊教徒之首領，互相傾軋，殆亂二十餘年。迨亨利第四即位，始許信教自由。

[40] 三十年戰爭之因果。

〔解〕三十年戰爭者，新舊兩教長最後最大之決鬪也。推厥原因，可分遠近兩端：

1. 自奧古斯堡和後，新教雖許自由信奉，然仍不免轢軋，此其遠因。

2. 德帝馬賽司以其從弟斐迪南第二爲波希米侯，壓制其地之新教徒；波人遂叛，是其近因。紀元1648年，列國會議於西法林，議定講和條件凡三：

1. 新舊兩教，各得永遠自由信奉。

2. 新舊教徒，受同等待遇。

3. 割亞爾薩斯及其他三教會領土與法。

割波羅的海沿岸之地與瑞典；承認瑞士及荷蘭兩國之獨立。

〔41〕英克倫威士之偉略及名譽革命。

〔解〕紀元1642年，英王查理第一與國會大起戰爭。克倫威爾爲國會黨大將，大敗王師，虜王去而殺之。遂國會中之反對黨，自爲英吉利都護，內平蘇格蘭，愛爾蘭王黨之叛亂，外敗荷蘭之海軍；雖行政過嚴，然對於英之內政外交，不無有整理之功。

查理第二，性類乃父。國會防其暴，乃制定審

查令；又發布人身保障法，以保護人民生命財產。弟惹米斯第二立，蔑視國會。凡所布舊律，為前王允准者，概置不顧。國人怒，迎立荷蘭總統威廉第三。與其妻馬利並為英王，是為名譽革命，時紀元1688年也。

〔42〕歐人殖民事業發展之程序。

〔解〕(1) 歐人之亞洲發展，因受葡人發見新航路之影響。

a. 葡人於1511年殖民於馬來半島，遂至日本及中國海岸通商。1535年，租借澳門專有通商。

b. 西班牙人於1565年取呂宋島；越六年，開馬尼刺港。

c. 荷蘭人於1602年設立東印度公司；後占領好望角、錫蘭、蘇門答臘，及台灣等地。

d. 英人於第十七世紀中得領印度；法國亦是時占領印度根據地。

e. 基督教於1549年至日本傳教；1580年傳於中國。

(2) 歐人之美洲發展，因受哥倫布發見新大陸之影響。

- a. 葡萄牙領有南美之巴西；西班牙則領有巴西。南美及中美全部，西印度羣島大部及北美南部。
- b. 荷蘭人雖有美洲殖民地，不久爲英所奪，無可述者。
- c. 法蘭西初僅有北美，路易安拿及加拿大；1524年，始漸移殖紐芬蘭海岸等地，後至加拿大內地。
- d. 英人領有北美大西洋岸一帶地，版圖甚狹；然異常發達，爲今日合衆國之基礎。

[43] 路易十四之政績。

[解] 法王路易十四者，神權主義之代表也。路易十四親政時，任意獨斷，信任賢能，整理財政，獎勵實業，行保護貿易，盛行殖民；竭力集權於中央，不使各地諸侯親政，內政既興，復事外征。1618年，路易十四發兵據尼德蘭；既而爲荷蘭，瑞典，英國同盟所抗。僅得尼德蘭邊地而還。1678年，荷蘭之役，割尼德蘭之法郎德以和。巴拉丁之役，爲英，荷，俄，瑞典，德，諸國所抗；路易不得逞。1679年講和，斯特拉斯堡卒歸法有，他悉歸還德國。

[44] 西班牙王位繼承戰爭及對歐大局之關係。

[解] 是役也，乃路易十四與各國最終之相見，亦各國勢力消長之轉機也。西班牙王位繼承問題，與法，班合併有關，所以各國忌之，乃結盟以抗法，到處為戰場，法軍大敗。1713年講和於烏德勒支。

結果：(1)法，班不合併。(2)法，班割地與英國。(3)班以尼德蘭，那不勒斯，米蘭諸地，割與奧地利亞。(4)承認不蘭敦堡侯為普魯士王；薩牙公亦進稱撒丁王；是為普，意二國之起源。

[45] 俄之勃興及彼得大帝之偉略。

[解] 俄先屬欽察汗國；後伊凡第三與欽察汗國別部盟而叛，滅之，俄遂獨立，時1480年也。至伊凡第四時，遂滅喀山諸蒙古部；又南服可薩克人，東略西伯利亞，乃稱帝。伊凡第四卒，波蘭侵入，貴族羅諾曼夫起民軍擊退之，遂建羅諾曼夫朝。時1613年也。

彼得大帝，為羅諾曼夫之孫，於1682年即帝位。自親政後，厲行三大政策：

(1)輸入西歐文化，以啓發民智。(2)滅殺教

長及禁衛軍之勢力以張王權。(3)謀良港於黑海，以爲海軍根據地。於1697年，微服遊歷各國。歸國後，大行改革；變服制，改陽曆，剃鬚鬚，普教育，改稅則，行新結婚令，改良風俗，獎勵工商，開採礦務；其勵精圖治，宵旰不倦。彼得內政既修，復事外功；初以查理十二年僅十五，利其弱小，與波蘭及丹麥共擊瑞典。查理第十二雖幼，長於用兵，以先發制人之計首敗丹麥，次破俄師，還攻波蘭而廢其王。以奧古斯都爲薩克森公，又入薩克森。彼得利用此時機，大修戰備；及查理復來侵，初雖大敗，卒破其軍於波達瓦。查理南走土耳其，旋還瑞典。彼得再與北歐諸國，合盟而困之；那威亦加入。查理伐之中彈死，乃議和，盡割瑞典本部以外之地，彼得所得尤多。自是瑞典衰，而俄羅斯代之而起矣。

(46) 普之興起及奧王位繼承戰爭。

[解] 普魯士本屬於波蘭，分東西二部。1701年脫離波蘭而爲獨立國。自腓特烈威第一開強盛之基；至腓特烈第二，遂雄飛於歐洲。

是時適有奧王位繼承問題發生，先是德帝查

理無子，欲傳其女馬加亞；顧昔日國法，均以男系相承，得法之援助，始為各國所承認。及帝崩，列國皆欲爭奧地利亞，遂變初議，不予承認，因各備戰。1740年，馬利亞被逼，蒙塵走匈牙利。匈牙利大起勤王之師，奉女帝歸奧地利亞，驅逐敵軍。女帝割細勒西亞與普以和。1744年，復為普法聯軍侵入奧地利亞之波西米；翌年，又和。迨紀元 1748，列國媾和於亞琛，皆認馬利亞為奧王，與其夫共為德帝，戰局遂終。

[47] 波蘭分割並對於俄普之影響。

[解] (A) 波蘭滅亡之原因有三：

- (1) 專制太甚，民生怨心。
- (2) 國王非世襲，常起爭端。
- (3) 因外國干涉內政，主權喪失。

(B) 波蘭經普，奧，俄三次分割而亡。

- (1) 1772年，俄得其東北地，普得西普魯士。
- (2) 1793年，俄，普兩國又復瓜分其土地。
- (3) 1794年，普得瓦霜附近地，俄得其餘地。

[48] 英法殖民地之爭。

[解] 英法殖民地之爭分二次：

(1) 印度之衝突——英法在印度，時起衝突。法人德普烈乘印度內亂，占領英之麻打拉薩；迄亞琛媾和，復返之。會法政府召還德普烈，而法在印度之勢力大衰。越二年，英人以克萊武竭力經營，占領孟的錫利等地，自是印度遂爲英勢力所範圍矣。

(2) 北美之衝突——初法人欲自路易安拿至加拿大之間，悉築礮台，英人籌抵禦之策，於1754年，兩國遂起爭端，互有勝負；迨七年戰爭起，雙方戰爭尤烈。英大勝，加拿大全洲幾盡占領，後訂巴黎條約，法以加拿大全洲及西印度羣島中數地，割與英國；自是英之勢力，在北美獨一無二矣。

[49] 北美合衆國獨立之因果。

[解] 1. 原因——1765年，英政府施行印花稅於北美，屬地堅執不服。已而他稅皆免，唯課茶稅，以爲照行後，仍可推行各稅。不知美人自立之氣已張，決裂之端，又出於茶稅矣。1773年，美人拆毀英之商船，并投茶數百箱於海。英政府遂封鎖波士頓港，決裂起矣。

2. 結果——美人在費拉得爾非亞先後開總會

二次，推華盛頓爲總司令，戰敗英師於波士頓。1776年7月4日北美諸邦宣布獨立。次年結十三洲大同盟，定國名爲美利堅合衆國，歐洲各國，均承認之。

[50] 合衆國建國時之政治上組織。

〔解〕 自獨立後，十三州同力合作，而無中央政府，一切關稅，財政，法制，及其他政務，均無法進行。識者憂之，乃於1787年，開第三次總會，制定憲法。其要領有四：

1. 諸州各自由定憲，設政局，開議會，以執行州內事務。
2. 中央政府，以大總統及國會組織之；分立法，行政，司法三部。
3. 立法部，以參衆兩院組成之，有議定一切法令之權；行政部，以大總統爲首領，若缺席，以副總統代行其職務；司法部，以高等法院爲最高機關。
4. 信仰自由。

[51] 近古期文明之概況。

〔解〕 中世紀末，文藝復興；迄近世紀初，厥風愈熾，打破從前煩瑣學派之謬說，另開近世科

學研究之端緒。其最發達者，厥惟科學，文學，哲學，藝術四種，茲分述如下：——

- (1) 科學
- 1. 天文學家 { 德人哥白尼創太陽系地動說；
德人愷布雷倡天體三則說。
 - 2. 物理學家 { 荷人哈根發明振子時計；
英人奈端發明吸引力及為質運動三則；
美人法蘭克林發明避雷針。
 - 3. 醫學家 { 英人勒納發明種痘法；
英人哈培倡血液循環論。
 - 4. 化學家 { 英人瓦特發明蒸汽機。
- (2) 哲學
- 近世大鼻祖 { 英人培根重經驗，倡歸納法。
法人笛喀爾重推理，主演繹法。
德人康德合此二說而調和之。
- (3) 文學
- 1. 詩曲家 { 以英人莎士比亞，德人克拉斯
托克，葛狄，希耳萊爾等為最著。
 - 2. 三大文豪 { 法人蒙特斯鳩倡立憲政治；
法人福祿特爾工詩；
法人盧梭著民約論。

- (4) 藝術
1. 建築——多用曲線。
 2. 雕刻——以德人蘇祿台及董納爲著。
 3. 繪畫——以意人哥拉西爲最著。

第四章 近世史

[52] 法蘭西大革命之起因。

[解] 法蘭西之革命也，霹靂一聲，驚動天地；
 轟轟慘劇，演及百年。其目的：在掃除封建之
 餘習，打破閥閥之積弊，抱持平等主義，組織
 自由社會，用意至善，甚可嘉也。究其革命發
 生之原因，可分遠因及近因二端。

(a) 遠因：

1. 由於國王專制。
2. 由於貴族僧侶特權不廢。
3. 由於平民負擔太重。
4. 由於盧梭文學家之鼓吹。
5. 由於北美合衆國獨立之影響，羨其自由。

(b) 近因：

1. 由於路易十六財政整理之失敗，故人民起而革命。

[53] 三族會議之經過，及斯巴的獄之破壞。

〔解〕 喀郎既逃，貴族會議，又無成功。路易十六准訥克之請，召集三族會議於維爾賽宮，貴族，僧侶，平民皆與焉。然開會之初，採用何制，惜未詳細討論，故臨開會時，三級議員，意見分歧，王見紛擾不已，遂下令閉會。

解散令甫下，平民派議員不奉命，自集國民會議，誓不散。當是時，巴黎亂民，襲巴斯的獄，大殺獄吏，侮辱貴族，幽王於宮。維時，人民之騷擾，可想見矣。

〔54〕立法會議與國民公會。

〔解〕 當國民會議解散後，依新法組成立法會議。議員中共分三黨：

1. 斐蘭黨，主君主立憲；
2. 吉郎特黨，主穩健共和；
3. 山黨，主過激共和；而以此黨為最強，曾擊退德意志諸國之聯軍，並取比利時，威勢大振。1792年九月立法會議，自行解散，召集國民公會。議員皆吉郎特及山黨，主張王政立憲者，盡行消滅。開會之日，即廢除王位，宣告共和，並處路易十六以死刑。

〔55〕督政政府組織與拿破崙之起。

〔解〕 山黨既解散，舊日之吉郎特黨復得勢。

1795年，國民公會，制定新憲法，選督政官五人，爲行政部；召上下兩議員，爲立法部；此督政政府之內容也。當督政政府之成立也，其內政頗形困難，政府意欲利用過激黨，示威國外；且冀乘勝掠奪，以救財政困乏，並令外國屈服。政府以奧爲革命以來最大之政敵，乃謀伐之，分遣三軍；而以拿破崙爲第三軍軍統，向意大利出發。要不過牽制而已；孰意第一二兩軍皆失敗，惟拿氏一軍，所向克捷，拿氏遂顯然露頭角矣。

〔56〕執政政府之組織及第二次同盟之解散。

〔解〕 當拿氏陷埃及時，法爲英敗，英乘機再起第二次大同盟。督政政府，措置失宜，勢甚危，而拿氏忽自埃及歸，備受歡迎，拿氏遂以武力廢除督政政府，制定新憲法。設執政三人，任期十年，拿氏自爲第一執政，別立樞密院，護民院，立法院，元老院，爲立法機關；故使其互相掣肘，不能行使職權。1800年，率軍入意大利，大破奧軍，奧不得已，乃乞和，於是第二次大同盟遂解散。

〔57〕拿破崙內政及第三次同盟之解散。

〔解〕拿氏既勝奧，人望愈重；乃銳意改良內政，行中央集權制，各郡太守，均由中央任命；又恢復舊教，與羅馬教皇聯絡；編纂法典，去封建時代之壓制條例，折衷於君主共和主義之間，成爲巨製，今猶爲歐洲各國所採用。此外復擴張教育，修建道路，開鑿運河，營造港灣，頗洽輿情。1804年，被公舉爲帝。時英相庇得復位，復聯合俄，奧，瑞典，那不勒斯諸國，起第三次大同盟。拿氏聞之，一面派威兒紐武率海軍與西班牙艦隊合，以直搗倫敦；自率大軍入奧。不意海軍大敗，威自殺，而英將亦負傷。拿氏攻英之計，完全失敗，時紀元1805年也，然陸軍則大破奧軍，進拔都城，更破俄，奧，聯軍於奧斯的。奧乃割讓威內薩等地以和，第三次大同盟於以解散。

〔58〕拿破崙之失敗！

〔解〕拿破崙行封鎖大陸之令，使各國與英絕通商。俄不服，拿破崙討之，孤軍深入莫斯科；俄人空城以待，及法兵入城，大火四起；且時屆隆冬，沿途凍餓死者無算，拿氏乃歸。於是

俄、英、普、瑞典，結第六次大同盟攻法，大敗法軍於利比瑟，拿氏辭帝位，各國遂放於地中海之厄爾巴島。

[59] 維也納會議之結果。

[解] 拿破崙既被逐，各國大會於維也納，以計善後辦法。議決要件如下：

1. 普得薩克森北部，及萊因河左岸地。
2. 俄以瓦薩公國，及俄屬波蘭舊領，建波蘭國。
3. 奧失尼德蘭而得北意大部。
4. 英除恢復漢諾威舊領外，得海外殖民地甚多。此次會議，亦可稱四國同盟，其他各國不過惟四國馬首是瞻而已。

[60] 神聖同盟之起及其勢力。

[解] 當維也納會議告終，而俄帝亞歷山大第一發起神聖同盟；以正義，仁愛，和平，三者為宗旨。然其主因，則在聯合各國，壓制自由主義，奧相梅特涅為其首領。時德國各邦大學生，盛倡自由統一主義，即為神聖同盟所鉗制。西班牙於1820年革命，迫王宣布憲法；意大利有燒炭黨，以統一意大利，排除奧勢為宗

旨。翌年，起事於那不勒斯迫王宣布新憲法。未幾，均爲神聖同盟，遣兵平定，各國仍原復專制，是爲神聖同盟極盛時代。

〔61〕孟祿主義之由來。

〔解〕自美國獨立，法國革命，影響於中南美人民。而獨立野心，遂成熟。他國殖民地亦相繼獨立。自1804年至1844年間，獨立之國，幾近二十。梅特涅以諸國獨立，爲反對保守主義，欲以神聖同盟之勢力，出而干涉。時北美合衆國總統孟祿，極不贊成，宣言由：『歐洲之事，吾美從未干涉，美洲之事，亦不願他人過問；諸國已經獨立，且爲吾合衆國所承認者，若有加害，是即吾國之敵』云云。由是神聖同盟，不敢干涉矣。是即孟祿主義之由來也。

〔62〕神聖同盟之反響若何。

〔解〕中南美諸國獨立，梅特涅欲以神聖同盟之勢力，出而干涉，英即首不贊成。同時美國亦宣布孟祿主義，由是神聖同盟，不敢干涉矣。

希臘自1453年隸土後，久不堪回教之壓制；遂於1822年，宣布獨立。俄欲殺土耳其之勢，故

助之甚力。梅特涅亦欲以神聖同盟之勢力，壓制希臘，然俄不贊成，紀元1825年，助希伐土耳其，英、法，恐俄，獨希勢力於巴爾幹，於將來兩國東方殖民貿易有妨，故與俄聯合擊土敗之。紀元1892年9月，土遂承認希臘之獨立，並割多腦河口三角洲，及黑海東岸地與俄。而神聖同盟之勢力，至是掃地盡矣。

[63] 七月革命之因果及影響。

[解](a) 原因：——

1. 路易十八之專制。
2. 波利菲內閣之失人望。
3. 國王與國會之衝突。
4. 國會之解散。
5. 禁止出版自由。

(b) 結果：——

查理取消禁令，重組新政府。市民猶不服，查理出奔英國，路易腓力為王，於是七月革命乃告段落。

(c) 影響：——

1. 比利時之獨立——荷蘭，比利時雖以維也納會議，合為尼德蘭王國；然比人已懷有

種種之不滿意，適接法國七月革命之報，遂大起暴動。荷王遣兵討之，大敗，比利時乃布宣獨立，建立憲王國。

2. 波蘭革命之失敗——自維也納會議後，波蘭王專制，大失民望。適七月革命，波人受其影響。1830年，起事於瓦薩，旋無外助，獨立軍遂爲俄擊敗。
3. 德意志之紛擾——德之不倫瑞克侯國，及黑森公國，因受七月革命之影響，均迫其君主宣布立憲，紛亂幾歲，旋爲所平。
4. 英吉利憲法之進步——審查令之廢，選舉權之擴張，奴隸之釋放，穀物令之廢。均受七月革命之影響。

{64} 二月革命之因果及影響。

{解}(a)原因：——

外因——當英與助士臣服埃及時，法人主戰甚力，而政府不敢敵，衆論譁然。

- 內因——
1. 社會黨之起，
 2. 外交之失敗，
 3. 經濟之恐慌，
 4. 政府議會之衝突。

(d) 結果：——

組織臨時政府，改行共和。已而召集議會，制定憲法；舉路易拿破崙為總統；二月革命遂告終。

(c) 影響：——

二月革命發生，奧國先被影響；維也納京城，大起暴動，於是奧境各邦，紛紛獨立，後皆失敗。

當奧境糜亂之際，普京柏林，亦起暴動，普王容納民意，宣布立憲，然統一尙未成功。

〔65〕拿破崙第三偉略。

(a) 內政——拿氏為政以來，務以收拾人心，聯絡教皇為主。及即帝位，修築鐵路一萬餘里；開鑿蘇彝士運河，東西交通，便利尤多。又改造巴黎街道，遂為世界街市之模範；此皆其內政之著者。

(d) 武功——克里米之役，英法聯軍，大破俄師，開巴黎和會；拿氏指導議事，儼然列國之中裁也，列國王侯，皆來聘問。後統一意大利，拿氏之名益著。

〔66〕意大利統一之經過。

〔解〕 意大利於1848年，曾有獨立運動；惟失敗。撒丁王陽瑪諾第二以統一意大利爲己任，用喀富爾爲相。以曾加入克里米戰爭，獲列巴黎和會，乃痛陳奧人之暴，深得英法同情，撒丁與法約逐奧人於境外。奧軍侵意大利北部，大戰於馬琴他，爲聯軍所敗。再戰，則奧帝敗走，北意遂統一。卒後，中部各小邦皆願來附，遂併有中意大利，已而統一南意。於是開會於都靈，建都於佛羅稜薩，意大利遂完全統一。

〔67〕合衆國南北戰爭之因果。

〔解〕(a)原因——美國有二黨：一曰共和黨，得勢力於北部；一曰民主黨，得勢力於南部。1827年，保護關稅案出。北部工商發達，意在杜絕外物，故主張保護貿易；南部專重農業，工藝品全自外來，故主張自由貿易。而保護關稅案竟通過於國會，南部大不滿意，此其遠因。

此外又有廢奴問題。南部專事農業，務須奴隸；北部則從事工商，無須奴隸，故大倡廢止，爭論不已，1860年，屆改選總統期，共和黨首領林肯當選，彼曾主張廢奴，南部諸洲不服，

戰端遂起，此其近因。

(d)結果——此次戰爭，爲時五年之久。始則南軍勝，繼則南軍敗。至1865年，北軍大勝，大衛斯被捕，戰事遂終。

[68]拿破崙第三對墨之失敗。

[解] 拿氏第三自克里米戰爭，大敗俄國。及意大利統一後，聲名大噪。——1861年，墨西哥因鑒於財政困窮，外債壘積，乃宣告二年內，一切外債，均止償還。英，班，法，三國遣師擊敗墨西哥，而停止債息主張於是打消。英，班，皆撤兵，獨拿氏第三野心勃勃，欲乘合衆國內亂，征服墨西哥。1863年，直搗其都，廢共和爲帝政。明年，迎奧帝皇弟馬西良爲墨西哥帝。歸法保護。迄合衆國事定，美總統約翰孫乃重聲孟祿主義，與法交涉，令法撤兵；拿氏第三不敢敵美，遂撤回駐兵。馬西良卒爲墨人所殺，自是拿氏第三之威信掃地盡矣。

[69]威廉第一之偉略。

[解] 威廉第一立，改革軍制，重組新內閣，以俾士麥爲內閣總理，其改革德意志政見之宣言，謂統一德意志唯鐵與血，擴張軍備，爲第一要

務。府政自有定見，贊否唯在諸公，下院終不通過，俾乃實行改革，不顧非法之嫌，軍備大振。丹麥之戰，普得石勒蘇益格，又出金購得勞英堡。普與之戰，奧對於丹麥所有之利益，完全歸普。1867年，北德二十二州組織爲北德意志聯邦，普爲盟主。普法之戰，大敗法軍，普得賠款外，又割亞爾薩斯，洛林二州。1871年，威廉第一爲南北德意志聯邦世襲皇帝，而德意志遂統一。

〔70〕普奧戰爭之因果。

〔解〕(a)原因：——

當奧帝召集德意志聯邦會議時，普王以俾士麥之諫，不赴會。所議決條件，普起反抗；普與感情愈惡，勢不兩立，此其遠因。

其近因，則由丹麥戰爭之結果。奧政府提出石勒蘇益格之處理案於聯邦會議，欲以兩州，仍歸奧古士丁堡大公統治，普謂奧背約，而普與戰端遂開。

(b)結果：——

1866年，戰於薩多瓦，奧軍敗績，奧遂請和，結布拉格條約，其要如下：

1. 奧地利亞承認德意志聯邦之解散；
2. 石勒蘇益格及好斯敦讓於普；
3. 奧承認普為北德聯邦之盟主；
4. 奧從普之要求，以威內薩割與意大利。

[71] 普法戰爭之因果。

[解](a) 原因：——

1. 普與戰爭，法應普請守中立，戰後法欲得萊因河之地，普拒絕之，法恨普殊深。(遠因)
2. 法購盧森堡於荷蘭，使屬於法。俾士麥斥法之非理，盧森堡經各國承認為中立國，法恨普愈深。(遠因)
3. 西班牙人廢女王依薩拉伯第二，擬迎立普王子雷普爾為王，法國聞此消息，乃與普宣戰。(近因)

(b) 結果：——

1870年，普軍大敗法軍。拿氏第三敗降，普軍陷巴黎。普法議和，其要如下：

1. 法以亞爾薩斯，洛林兩州，割與普國；
2. 償軍費五十億法郎。

[72] 俄土戰爭及柏林會議之結果。

〔解〕 俄土戰爭，原因複雜，茲就遠近二因觀察之，得下之概要：——

(a)遠因有二：

1. 俄既久欲謀良港於黑海，以伸其勢力；
2. 土復財政紊亂，俄欲乘機干涉其內政。土不之許，遂致干戈相見。

(b)近因有四：

1. 土帝虐待領內之希臘教徒，遂致叛亂；
2. 保加利亞之虐殺；
3. 德法兩國領事之殺害；
4. 塞爾維亞及門德內哥羅之叛亂。

於是俄土戰端遂起矣。

(c)結果——俄勝土。土乞和於俄。締和約於聖士提反，除使土耳其承認諸州獨立外，又張保加利亞地域，而分駐俄兵，巴爾幹殆全入俄國勢力之下。

(d)英奧大不平，擬與俄宣戰。俾士麥出而調停。1878年，開列國會議於柏林，重修聖士提反條約，其要如下：

1. 英得居伯羅島，但承認爲土領。
2. 土以波黑兩州統治權委諸奧國。

3. 以多瑙河下游爲中立地，許各國商船通航。

4. 土耳其誓行改良內政，定信教自由律。

【附註】 上述乃其大要餘略。

[73] 柏林會議後歐洲列強之新結合。

〔解〕1. 德奧意三國同盟。

1879年，德奧結攻守同盟，以抗俄國。1883年，意與德奧，亦結盟約。德意之約，對法而設；意奧之約，對法，俄而設。於是三國同盟，完全成立。

2. 俄法同盟。

三國同盟後，俄法孤立；然以利害相關，故於1891年，結二國同盟。其大旨：即三國同盟之任何一國，下動員令時，俄法二國共抗之。

[74] 美英俄之東方發展。

〔解〕1. 美之東方發展。

1898年，美取夏威夷；又與西班牙戰，使古巴獨立，得腓力濱羣島。1900年，與德國共分薩摩亞；由是得勢力達於太平洋。

2. 英之東方發展。

1849年，印度全屬於英。後八年，英征緬甸；印度土人叛，英軍平之。1885年，英滅緬甸。馬來半島諸邦，亦先後歸英。

3. 俄之東方發展。

康熙廿八年，結尼布楚條約；以外興安嶺爲界，是爲我國外交史上，最有榮譽之條約也。咸豐八年，結愛琿條約；以黑龍江及烏蘇里江爲中俄兩國之界。俄得地甚多。後二年，英法聯軍入中國；俄使調停有功，遂以烏蘇里江以東沿岸地割之。越十五年，又與日本交涉，以千島易庫頁，境界大張。

[75] 法越交涉之經過。

[解] 法之窺越久矣，阮福映之統一安南也，許事成以化南島割歸法國；及既得國，乃背約，且殺害法國教徒，兩國失和。法以兵取其南方之地，開西貢爲商埠，與各國貿易。未幾，柬埔寨復叛亂，法又乘機，收爲保護國。越數年，法借名保商，擅派兵戍內地，越南王憤，敗法軍，得無事。已而法攻順化；越南王恐，乞師中國，而中法戰起。光緒十一年，與法結天津條約：安南降於法，法予以中交趾地，與柬埔寨

同爲保護國；而以安南東京及下交趾爲法屬地。

[76] 英法東方發展與暹羅之關係。

[解] 清文宗時，暹與英法結通商條約。後法有安南，又窺暹羅，以湄公河東之地，曾屬柬埔寨及安南；借爲口實，要求占有。暹羅王不得已，畀之，1893年，光緒19年也。英人與法抗議，久之，始以湄公河上游爲中立地。自是暹羅遂介居於英法勢力範圍之中，然其得以不亡者，職是故也。

[77] 歐洲列強之非洲發展。

[解] 先是，非洲爲黑暗大陸。顧十八世紀末年，冒險家屢事探險，始經營其地焉。邇來英，法，德，班，葡，諸國，均在非洲有殖民地，其相締約，區定勢力範圍，英國所得甚多。

1. 英以開普蘭，奧偏治，及脫蘭斯瓦爾爲殖民地。
2. 比利時收剛果爲領土。
3. 法蘭西取阿爾及耳，復占領突尼斯及塞納加爾，剛果之流域。復又占領馬達加斯加島。

4. 德占領幾內亞灣之北部，旋亦得德領西南非洲，及東非洲諸地。

[78] 日本維新前之概況。

[解] 相傳前六百六十年頃，日本始建國。自神武至皇極稱爲上古族制時代。隋唐時，與中國交通，假中國偏旁字，以爲和文五十字母之始。後經平安朝，至源賴朝，國亂屢興，分爲南北二朝。亘數十年乃合。足利時代，與明往來甚密；而內亂仍然，豐臣時代治統一，至德川時代，定封建制；倡學術，文化大盛。復取鎖國主義以對外。後日人擊殺外人，美，英，法，荷合師問罪，乃償金以和。

[79] 日本維新時之建設。

[解] 明治天皇親政後，召朝臣諸藩，大開會議；廢攝政關白征夷大將軍等官，設總裁，議定，參與三職。又倡言廢藩設縣，而中央集權，日以鞏固。廢封建，劃全國爲三府，七十三縣。又組織新官職，以內閣總理爲首相。明治二十一年，立樞密院，爲天皇最高顧問機關，二十二年，頒布憲法，與皇室典範；翌年，日本憲法，完全實行。

〔80〕日本勢力之拓張。

〔解〕 日本自維新後，內政稱治，於是復謀勢力之拓張。明治十二年，滅琉球。十八年與中國訂天津條約，遂專事於朝鮮。光緒二十一年，因朝鮮東學黨之亂，牽及中日戰爭，結果，割我臺灣，澎湖。日俄戰後，又占朝鮮；且奪俄所租借之旅順，大連；並割庫頁島之南半。明治四十二年，滅朝鮮，於是日本勢力，大為擴張。

〔81〕二十世紀初之歐洲列強。

〔解〕 自柏林會議後，而有德，奧，意，三國同盟及俄，法，同盟。英初稱名譽孤立，不黨於三國同盟，亦不合於俄，法，同盟。後見德國大興海軍，恐歷世海王，難保久遠；乃東與日本同盟，西與俄法協商：是為三國協商。英法協商，關於非洲亞洲屬地之權利，成立於1904年，英俄協商，關於波斯，阿富汗及西藏之權利，成立於1907年。此外又有英，法，班，三國協商，關於摩洛哥之協商。法，班，成立於1904年，英，班，成立於1906年。明年，日，法，為通商及東亞問題，亦成立協商；日，俄，為滿洲權利，亦成立協商。各國既成，盡除從前障礙；而德於

此際遂覺孤立，歐洲大戰亦將於此暴發矣！

[82] 土耳其革命及巴爾幹戰爭。

[解] 土自俄土戰後，勢已不振，內亂外患，接踵而至。已而割東羅馬利於保加利亞，勢愈衰。土之志士，見國勢如此，乃於1908年革命，宣布立憲。然缺乏經驗，措置失宜；內亂外患，仍無甯息。已而巴爾幹之保，羅，蒙，塞及希臘五國，各欲擴張版圖，復聯攻土。和議成，愛爾巴尼亞爲獨立國，巴爾幹五國，各張境界；克里特亦併於希。土在巴爾幹領土，僅君士坦丁堡及亞德里亞堡一帶之地矣！

[83] 萬國和平會之起因及經過。

[解] 自三國同盟二國同盟成立以來，各國汲汲備戰，大亂之發，不知果在何年？俄皇尼哥拉第二憂之，欲豫防國際之爭端及限制列國之軍備；因提倡萬國和平會議。1899年，開第一次會議於荷京海牙，與會者二十七國。惟俄所提之限制常備軍數及軍費預算額者，經德國反對，遂無効，僅制定國際紛爭處理案及海陸戰法規而散。至1907年，開第二次會於海牙，不過增修第一次所議定者而已。

〔84〕近世期文明概況。

〔解〕 時至近世，文明尤進步，茲將其概況，列表如下：——

- | | | | | |
|-----|---|----|-------------------------------|--|
| (a) | } | 科學 | 1. 天文學 | { 法人 <u>里文海</u> ， <u>噶利</u> ，發見海王星。
德人 <u>基爾和夫</u> ， <u>朋森</u> ，發明分光鏡， |
| | | | 2. 化學 | { 德人 <u>摩亞</u> ，英人 <u>格羅布</u> ，確立物質不滅說。
德人 <u>倫根</u> 發明 X 光線。
德人 <u>居里夫婦</u> 發明電子。 |
| | | | 3. 生理學 | { 法人 <u>拉馬克</u> 著動物哲學。
英人 <u>達爾文</u> 著種原論。 |
| | | | 4. 醫學 | { 法人 <u>巴斯度耳</u> 發明人工殺菌法。
德人 <u>羅巴古</u> 發明肺病治療法。
德人 <u>古發</u> 發明傳染病預防法。 |
| (b) | } | 文學 | 英有 <u>溫德溫氏</u> ， <u>罷倫</u> 等。 | |
| | | | 法有 <u>查達伯良</u> 等。 | |
| | | | 德有 <u>葛雷</u> 等。 | |
| | | | 俄有 <u>托爾斯泰</u> 等。 | |

(c) 史學 { 英有格羅脫之希臘史，及格底納之三十年戰爭史。

{ 法有介索之文學史，米納之法國革命史。

{ 德有蒙森之羅馬史，蘭凱之世界史，

(d) 哲學 { 德有斐希德，黑智爾，西爾靈為最著。

{ 英有斯賓塞。

{ 法有哥涇。

(e) 藝術 { 1. 建築——如巴黎，柏林，倫敦，紐約等地宏大建築，均極壯麗。

{ 2. 雕刻——較前更進步。初尚模古，後漸趨於寫實。

{ 3. 繪畫——法國為最有名，其描寫入細，工妙無比。

第五章 現世史

[85] 歐戰起因及各國之加入。

[解] 歐戰起因，有二：——

1. 遠因——

各國因己國生活發展，非拓疆土張貿易，不足以爭存立國。於是世界全土乃為列疆經濟活動之所。其始僅海洋國，如英，葡，西，

荷皆有之；其繼則大陸國如德如俄，亦從事拓殖。所謂帝國主義是也。德國倡『大日耳曼主義』，結三國同盟以厚其聲援。俄志在滅土耳其以成其『大斯拉夫主義』之帝國。適與德國相衝。法國則普法戰後，懷割阿爾薩斯，洛林二州之恥，急思恢復。英國忌德國之靡張海陸軍，故有英日同盟之舉，實所以抗德國也，故自柏林會議後。一方則三國同盟，一方則俄法同盟，一方則英日同盟，英法協商，英俄協商，一方則法西，日法，日俄等協商，一面受兵，則牽動全局，故彼此相持，莫敢先動。直至1914年，始開歐洲大戰。

2. 近因——

塞爾維亞自奧合併波黑二州後，恨奧日深，乃於1914年六月刺殺奧太子斐迪南。奧宣戰於塞，於是歐戰起矣。

3. 各國加入之野心——

俄以日俄戰後，既不得志於東，乃復圖南下。至今遂乘機助塞，德人亦欲乘此稱霸歐洲，遂助奧。法自普法戰後，仇德最深，當然

加入。英忌德海軍強大，遂借保護比國中立爲名，對德宣戰；日本早欲橫行中國，今可乘機獨享利益；因亦借英日同盟，保護東亞和平爲詞，對德宣戰。土自俄，土戰後，與德交親，故助德。意大利以協約國許以戰後擴張北境，竟於明年對奧宣戰。

[86]大戰之經過。

[解] 德據比利時，略法國北部。東取波蘭，南下塞爾維亞等地，聲威大振。1917年，俄革命，聯軍方面，遂失陸軍健將。德欲絕英之在海洋勢力，乃行潛艇毀各國商船。美國亦向德宣戰。我國，巴西諸國以次加入協約國，德國遂不支。1919年 6月 18日，開巴黎和會，戰事告終。

[87]俄國革命及對大戰之影響。

[解] 俄國革命之起因，可分遠因及近因二方面述之：——

(1) 遠因：

1. 人種複雜，
2. 宗教複雜，
3. 虛無黨之盛，
4. 新文學之鼓吹。
5. 禁酒令之影響。

(2) 近因：

1. 政府議會之衝突。
2. 地方會議與軍隊之和協。
3. 食物之缺乏。

(3) 影響：

先是，聯軍皆捷，軍威大振。然戰事方酣之際，忽有俄國政變發生，聯軍方面，遂失陸軍健將；德人移東方戰士，實西戰場，聯軍頗失利。

〔88〕德國革命及大戰終結。

〔解〕 自開戰以來，英即以封鎖政策困德；且美國參戰，物品食料之供給源絕，西戰場敗報，無日不聞。保，土，奧，相繼退出。政府猶不議和，國人大憤，遂起革命，全國響應。德皇威廉第二出奔荷蘭。於是德國，改爲民主制。急與協約國定休戰條約，戰事遂終，和局開始。

〔89〕和會之啓幕及其組織。

〔解〕 1919年各國開和會於巴黎之凡爾賽宮。與會者二十七國，以英，美，法，意，日爲五強；凡代表人數分派及議事方法，五強皆優先，根本已背公理，故一切議決條件，不過戰敗國割地賠款，弱小國損失利權耳。

至於和會之組織，列表如下。

開會時內容之組織要之有三：

1. 十人會——爲五強，各派代表二人所組織。

2. 總會——各國代表，全體出席。

3. 委員會

- a. 萬國同盟委員會。
- b. 大戰責任委員會。
- c. 賠款委員會。
- d. 勞工國際立法委員會。
- e. 國際港，埠，水，陸，交通委員會。

[90] 和會之議決要項。

[解] 對德條約，內分十五章，四百四十條，擇要如下：

1. 德以亞爾薩斯，羅來因割歸法蘭西；以薩爾礦區之礦權，讓與法蘭西，並許比利時比鄰之由坪，及馬耳美第兩區獨立。
2. 德許石勒蘇益格州獨立；並以但澤建自由市。
3. 德以西普魯士及波森割歸波蘭，細勒西亞及東普魯士聽其自決。
4. 海外殖民地，悉放棄其主權。
5. 賠償比利時全部損失及各國軍費等。

6. 限制德之軍事。

對奧條約，共十四章，三百八十一條，擇要如下：

1. 奧承認匈牙利，捷克斯洛伐克及巨哥斯拉夫三國之獨立。
2. 匈國東境之達琅西里尼亞州，割與羅馬尼亞。
3. 奧以加利西亞西部割與波蘭，東部亦委波蘭管理。
4. 奧以的羅耳南部及伊斯的里亞半島，割與意大利。

其他條件，與德相同。對保條約，其最要者：

1. 保加利亞允割南部愛琴沿岸地一大段與協約國。
2. 承認巨哥斯拉夫王國之獨立。
3. 今後五年內，每年償巨哥斯拉夫煤五萬噸。

(90)和會之未決問題。

(解) 和會未決問題有四，述之如下：

1. 土耳其問題——君士坦丁及韃靼海峽一帶，尙未解決。

2. 非麥問題——初英法以非麥許意，後以非麥歸意深不便於南斯拉夫，遂未解決。
3. 上細甲西亞問題——爲德與波蘭所力爭，卽令該處人民自行投票，以決從違。
4. 青島問題——青島本歸中國，和會竟承認讓諸日本，經中國反對，遂未解決。

[91] 戰後歐亞新國之建設。

[解] 亞洲新國有四：

1. 佐治亞——共和制。
2. 亞塞爾拜然——共和制。
3. 亞美尼亞——共和制。
4. 漢志——王制。

歐洲新國有八：

1. 波蘭——共和制，
2. 匈牙利——共和制。
3. 捷克斯洛伐克——共和制，
4. 巨哥斯拉夫——王制。
5. 芬蘭——共和制。
6. 立陶宛——共和制。
7. 萊多尼亞——共和制。
8. 愛沙尼亞——共和制。

〔92〕華盛頓會議之起因及經過。

〔解〕 歐洲之役，勝敗兩方，皆民窮財盡，元氣大傷，恢復不易；人民心目中，更懼第二大戰之起，國際聯盟之權力，不足以制之也。且第二世界之戰因，將為太平洋問題，而日本之大增艦隊，加以英日同盟，尤為美人所忌；故美總統哈定召集列強開華盛頓會議，以期裁減軍備，解決太平洋遠東問題。

1921年 11月開會，首提出海軍限制案，限定巨艦，美五十萬噸，英五十萬噸，日本三十萬噸。繼提英美日法四國協定，承認各國所領太平洋之島嶼；如有爭議，則會商解決；如受非協約國之侵略，則彼此為有力之處置。又次，則由中國提出希望十條；本羅德四原則，只得進行增加關稅，撤回客郵，撤退駐華外軍，撤回治外法權，諸議案。至於青島問題，因於會外開會，得克期交還，並籌款贖路馬。至我國對於取消二十一條，雖未達完全撤銷之願，然其機已動，惟在中國自勉而已。

00103

